


ル 5  
3252  
1









廣東攷古輯要



3252

1

五十七



光緒十九年癸

巳歲春閒雕

翻刻必究板藏還讀書屋

序

士人釋菜入學自洒埽應對進退以至修齊治國平天下師教而弟習之期用世也當風雨晦冥孤檠佔俾慨然有志於天下使際會雲龍乘時利見以發抒其抱負霖雨蒼生豈不快哉至不得志而息影蘧廬窮愁著述已大違其初志況衣食飢渴之害室家妻子之累多方困阨而束縛之於是折腰爲米橐筆依人卽求其蕭然四壁終日一編且不可得乃於風塵擾攘之中得片刻餘閒而藉棊几丹鉛以消其抑鬱無聊之歲月可慨已周君韻笙鄭君宗山海蒼魏君叔平故皆楚產也或以宦或以幕來遊海嶠者蓋亦有年迺舉吾粵之風土山川沿革掌故分門別類纂輯成書大之關於國典民生細之及於叢祠片石草木蟲魚鳥獸無不本本元元蒐羅剴輯予讀其書愛其詳明賅



括非徒徵文數典供學人之瀏覽而鏡得失考舊章實有裨於  
民人政事可以潤色鴻業佐治昇平固裒然有用之書也吁諸  
君子者可謂有心人矣顧安得一日乘時利見以發抒其抱負  
也哉是爲序

光緒十九年歲次昭陽大荒落癸月羅浮蛻叟拜撰

廣東考古輯要凡例

- 一 是編博採粵中紀載諸書分門纂輯爲類三十有八爲卷四  
十有六以爲策學儲材平時披覽亦足以資多識
- 一 論古必考其出處辨其是非乃見詳核是編宜考訂者必引  
數說參酌之有源委有斷制析疑辨是折衷至當識者鑒之
- 一 國朝人所著書目是編間經採引兼有但列姓氏未標  
國朝字樣者閱者自能分別取其精義弗以書目姓氏誤入  
條對
- 一 郡縣沿革悉本洪北江乾隆府廳州縣圖志及 大清  
一 統志並粵東通志諸書其有近年改置如陽江縣升爲廳  
及欽州升爲直隸州添置防城縣之類皆從司冊查明敘列
- 一 星野風俗兩門皆從各書摘採所採書目仍於各條之下逐



錄異諸書所載者悉收採之以供博覽

--	--	--

廣東考古輯要目錄

第一卷

郡縣沿革 附廣東得名考

第二卷

分野

第三卷

形勢

第四卷

風俗

第五卷

湖南 周 廣韻笙 鄭業煌海蒼 同輯  
 鄭業崇宗山 魏 恆叔平



水道

第六卷

山川一

第七卷

山川二

第八卷

山川三

第九卷

隄堰

第十卷

關隘

第十一卷

津梁

第十二卷

城址

第十三卷

第宅

第十四卷

寺觀

第十五卷

陵墓

第十六卷

封建

第十七卷



官制

第十八卷

銓選

第十九卷

田賦

第二十卷

錢法

第二十一卷

鹽法 增鐵政

第二十二卷

權稅

第二十三卷

市舶

第二十四卷

學制

第二十五卷

選舉

第二十六卷

祀典

第二十七卷

土貢

第二十八卷

兵制

第二十九卷



馬政

第三十卷

海防 附兵船 潮汐

第三十一卷

藝文

第三十二卷

金石一

第三十三卷

金石二

第三十四卷

金石三

第三十五卷

名宦一

第三十六卷

名宦二

第三十七卷

名宦三

第三十八卷

謫宦

第三十九卷

人物一

第四十卷

人物二

第四十一卷



人物三

第四十二卷

流寓

第四十三卷

耆壽

第四十四卷

釋老

第四十五卷

方伎

第四十六卷

物產

廣東考古輯要卷一

郡縣沿革

附廣東得名考

廣州府禹貢揚州南境春秋戰國為百粵地漢書地理志自交趾至會稽七八千里百粵雜處各有種姓秦始皇三十三年置南海郡漢初為南越國元鼎

六年復置南海郡元封五年屬交州後漢末移交州來治後漢書郡國志注交州建安十五年治番禺縣詔書以州邊遠使持節并七郡三國吳黃武五年改置廣州

晉曰廣州南海郡隋開皇九年郡廢仁壽元年改為番州大業三年復曰南海郡屬揚州唐武德四年復曰廣州置總管府天

寶元年改曰南海郡至德元載置嶺南節度使乾元元年復曰廣州咸通三年分為嶺南東道乾甯二年改清海軍節度使五

代為南漢國都改興王府宋復曰廣州府中都督府南海郡清甯軍節度為廣南東路治大觀元年升為帥府祥興元年升翔



龍府元至元十五年改為廣州路兼置海北廣東道肅政廉訪司屬江西行中書省明洪武曰廣州府為廣東布政使司治

本朝因之

南海縣附郭秦置番禺縣為南海郡治隋開皇十年改置南海縣仍為南海郡治唐以後為廣州治

番禺縣附郭秦漢以後為番禺縣地唐長安三年置番禺縣

宋開寶五年省入南海皇祐三年復置

順德縣明景泰三年析南海縣地置

東莞縣漢南海郡博雁縣地東晉為東官郡寶安縣地唐為

東莞縣地宋開寶六年始置東莞縣於今治

從化縣明宏治九年析番禺縣地置

龍門縣明宏治九年析增城縣地置

增城縣後漢分番禺縣置梁移東官郡來治隋初郡廢仍屬南海郡

新會縣漢四會縣地三國吳分置平夷縣晉太康元年改曰

新夷東晉分置益允縣宋永初元年置新會郡以平允縣為

治隋平陳廢郡為新會縣置封州開皇十一年改曰允州又

改為岡州大業初州廢唐武德四年復置岡州貞觀十三年

州廢其年復置開元二十三年州廢遂屬廣州

香山縣宋紹興三十二年分東莞縣置

三水縣明嘉靖五年分南海及肇慶之高要二縣地置

新甯縣明宏治十一年析新會縣置

清遠縣漢置中宿縣三國吳改屬始興郡梁武帝分置清遠

郡隋廢郡為縣



新安縣漢南海郡博羅縣地晉咸和六年分南海置東官郡兼置寶安縣為郡治齊移郡治縣仍屬焉唐至德二年改曰東莞宋開寶五年廢入增城尋復為東莞縣地明洪武二十七年置東莞守禦千戶所萬歷元年改置新安縣

花縣 本朝康熙二十四年析番禺南海地置

韶州府禹貢揚州之域王象之輿地紀勝引圖經以為荆州之域蓋因前屬桂陽郡而誤今從樂史太平寰宇記春秋屬越戰國屬楚秦為南海郡地漢初屬南越武帝平南越屬桂陽郡後漢置始興都尉三國吳甘露元年始分桂陽南部置始興郡治曲江宋太豫元年改曰廣興郡齊復曰始興梁承聖中於郡置東衡州隋開皇九年郡廢改東衡州曰韶州元和志取州北韶石為名十一年州廢入廣州十二年移廣州來治按隋書開皇十一年番禺夷王仲宣引兵圍廣州州之移治以此開皇末廣州還治南海大業初屬南

海郡唐武德四年置番州唐書新舊志及元和志皆同而輿地紀勝引韶州應陸記武德二年已有

番州刺史尋改曰東衡州貞觀元年復曰韶州天寶初復曰始

興郡乾元初復曰韶州五代屬南漢宋亦曰韶州始興郡元至元十五年置韶州路總管府明洪武初改韶州府 本朝因之

曲江縣附郭漢舊縣屬桂陽郡三國吳為始興郡治唐為韶州治

樂昌縣梁武帝析曲江縣地置梁化縣隋開皇十八年改曰樂昌

仁化縣蕭齊分曲江縣地置後省唐垂拱四年復置宋開寶五年省入樂昌咸平三年復置

乳源縣宋乾道二年分曲江樂昌二縣地置以縣北三里鐘乳嶺得名



翁源縣漢桂陽郡滇陽縣地梁承聖末分置翁源縣因縣界翁水之源爲名元初廢大德五年復置

英德縣漢置滇陽含涯二縣屬桂陽郡三國吳改屬始興郡梁天監中於滄涯縣置衡州隋改曰涯州開皇二十年州廢屬南海郡唐復置涯州尋又廢仍屬廣州五代南漢乾和五年於滇陽縣置英州宋宣和二年賜名滇陽郡慶元三年升英德府元至元十五年置英德路二十三年降爲散州大德五年復爲路至大初又降爲州省滇陽滄涯二縣入之明洪武初降爲縣屬韶州

惠州府漢以前同廣州府漢爲南海郡博羅縣東晉分屬東官郡南齊移東官郡治懷安梁改置梁化郡隋平陳郡廢置循州總管府元和志取循江爲名大業初府廢尋改爲龍川郡治歸善縣唐武

德五年復曰循州置總管府貞觀二年府廢天寶元年改海豐郡乾元元年復曰循州五代屬南漢乾亨元年改曰禎州宋天禧四年改曰惠州文獻通考避仁宗御諱改宣和二年賜名博羅郡元至元十六年置惠州路明洪武元年改曰惠州府 本朝因之

歸善縣附郭漢博羅縣地劉宋分置安懷縣齊曰懷安爲東官郡治隋平陳置歸善縣

博羅縣漢置

長甯縣明隆慶二年分河源及韶州府英德翁源二縣置

永安縣明隆慶二年分歸善長樂二縣置

海豐縣東晉分龍川縣地置

陸豐縣 本朝雍正九年分海豐縣地置

龍川縣秦舊縣隋省入河源唐改置雷鄉縣五代南漢乾亨



初移循州來治仍改縣曰龍川宋為循州海豐郡治宣和三年改縣曰龍江後復故元立循州路總管府尋降為散州明初州廢以縣屬惠州府

連平州明崇禎六年割和平河源長甯及韶州府翁源縣地置

河源縣南齊分龍川縣地置明崇禎六年與和平並改屬連平州 本朝仍屬惠州府

和平縣明正德十三年分龍川縣地置

潮州府漢以前同廣州府漢為南海郡揭陽縣晉改置海陽縣咸和中分屬東官郡義熙九年置義安郡梁兼置東陽州後改曰瀛州陳時州廢隋平陳後又罷郡屬循州十一年分置潮州元和志以潮流往復因以為名大業初復為義安郡唐武德四年復為潮州天

寶初改潮陽郡乾元初復曰潮州五代屬南漢宋亦曰潮州潮陽郡元至元十六年置潮州路總管府明洪武二年曰潮州府領縣八 本朝因之乾隆三年析海陽揭陽大埔嘉應四州縣地置豐順縣領縣九

海陽縣附郭本漢揭陽縣地晉初改置海陽縣東晉分屬東官郡義熙九年為義安郡治唐為潮州治

潮陽縣晉義熙九年分海陽縣置屬義安郡唐永徽初省先天初復置屬潮州宋紹興二年廢入海陽八年復置

揭陽縣漢舊縣晉省入海陽宋宣和三年復析海陽置紹興二年廢八年復置

饒平縣明成化十四年析海陽縣地置  
惠來縣明嘉靖四年割潮陽及惠州府海豐縣地置



大埔縣晉義熙九年分揭陽置義招縣屬義安郡隋大業初改曰萬川唐初縣廢為海陽縣地明嘉靖五年析饒平海陽二縣地置

澄海縣明嘉靖四十二年析海陽縣及揭陽縣地置

普甯縣明嘉靖四十三年分潮陽縣置普安縣萬曆十三年改曰普甯

豐順縣 本朝乾隆三年析海陽揭陽大埔嘉應地置

肇慶府漢前同廣州府漢為蒼梧郡南海郡合浦郡屬地三國吳分屬廣交二州宋永初二年改屬南海郡梁天監中始分置高要郡隋平陳廢郡置端州大業初改州為信安郡唐武德中復曰端州天寶元年復曰高要郡乾元元年復曰端州五代屬南漢宋初仍曰端州高要郡元符三年置興慶軍節度重和元

年升為肇慶府元曰肇慶路明洪武元年復曰肇慶府 本朝因之

高要縣附郭漢舊縣梁為高要郡治隋平陳為端州治

四會縣漢舊縣屬南海郡宋改屬綏建郡隋平陳還屬南海唐武德五年於縣置南綏州貞觀八年更名滇州十三年州廢屬廣州宋重和元年改屬肇慶府

新興縣漢置臨允縣屬合浦郡三國吳改屬蒼梧東晉永和七年分置新甯郡又置新興縣與臨允皆屬焉梁省臨允於新興縣置新州隋平陳郡廢大業初州廢屬信安郡唐武德中復置新州天寶初改曰新興郡乾元初復曰新州五代屬南漢宋曰新州新甯郡元至元十六年置新州路總管府十九年改為散州明洪武初又降為新興縣



陽春縣漢高涼縣地晉分置莫陽縣屬高興郡太康後屬高涼郡梁改置陽春郡陽春縣隋平陳郡廢唐武德中於縣置春州天寶初曰南陵郡乾元初復曰春州宋大中祥符九年併入新州天禧四年復置熙甯六年廢春州以縣屬南恩州明洪武初改屬肇慶府

高明縣晉分高要置平興縣屬新甯郡尋省宋元嘉十八年置宋熙郡二十七年改曰宋隆兼置平興縣爲郡治隋平陳郡廢以縣屬信安郡唐屬端州宋開寶六年省入高要明成化十一年始分置高明縣

恩平縣晉分高涼縣置屬高涼郡宋爲郡治齊改縣曰齊安置齊安郡隋平陳郡廢開皇十八年改縣曰海安唐武德五年復曰齊安貞觀二十三年於縣置恩州天寶初曰恩平郡

至德二載改縣曰恩平乾元初復曰恩州大順二年移州治陽江以縣屬焉宋開寶五年省縣入陽江明成化十四年析陽江及新興新會二縣地復置

廣甯縣明嘉靖三十八年分四會縣置

開平縣劉宋元嘉二十七年分新會縣地置義甯縣隋平陳於縣置岡州大業初州廢宋太平興國二年改曰信安熙甯五年省入新興明萬曆初於新興縣地置開平屯其後割恩平新興新會三縣地置開平縣

鶴山縣 本朝雍正九年割開平及廣州新會縣地置

德慶州漢置端溪縣晉永和七年分置晉康郡隋平陳郡廢唐武德四年復於縣置康州兼置都置府九年府州並廢貞觀元年復置南康州十一年廢十二年又置天寶初復曰晉



康郡乾元初復曰康州宋開寶五年廢州以縣屬端州尋復置仍曰康州紹興元年升為德慶府十四年置永慶軍節度元立德慶路總管府明洪武初曰德慶府九年降為州以端溪縣省入

封川縣漢蒼梧郡廣信縣地梁析置梁信縣及梁信郡普通四年兼置成州隋平陳郡廢為梁信縣改州曰封州開皇十八年改縣曰封川大業初改州曰蒼梧郡唐武德四年復曰封川天寶初改曰臨封郡乾元初復曰封州宋亦曰封州臨封郡紹興七年廢州以縣屬德慶府十年復故元立德慶路總管府後降為散州明初州廢以縣屬德慶州仍隸肇慶府開建縣漢封陽縣地宋元嘉中分置開建縣尋置宋建郡大明元年郡廢梁又置南靜郡隋平陳復廢唐屬封州宋開寶

五年省縣入封川六年復置明初改屬德慶州仍隸肇慶府高州府漢以前同廣州府漢為合浦郡高涼縣地梁為高州地又分置電白郡隋平陳郡廢為高涼永熙二郡地唐初屬高州貞觀八年分置潘州二十二年又徙置高州天寶初改高州曰高涼郡潘州曰南潘郡乾元初復曰高州潘州五代初屬南漢宋開寶五年省潘州入高州仍曰高涼郡景德元年州廢屬竇州三年復置元至元十五年置高州路安撫司十七年改總管府明曰高州府 本朝因之

茂名縣附郭隋分高涼縣置屬高涼郡唐初屬高州貞觀元年改屬南宕州八年於縣置潘州五代梁開平元年改縣曰越裳後唐同光初復故宋開寶五年州廢以縣屬高州又屬竇州尋復故元大德八年徙高州路來治



電白縣漢高涼縣地梁置連江縣及連江郡隋平陳郡廢唐開元五年改縣曰保安至德二載又改保甯宋弼寶五年省入電白明成化四年移置電白縣

信宜縣梁分端溪置梁德縣兼置梁德郡隋平陳郡廢開皇十八年改縣曰懷德唐武德四年析懷德置信義縣兼置南扶州貞觀元年州廢二年復置五年又廢六年復置改曰賓州天寶初曰懷德郡乾元初復曰賓州宋開寶中析懷德入信義太平興國初改曰信宜仍爲賓州治熙甯四年州廢以縣屬高州

化州劉宋分高涼置羅州縣蕭齊復立高興郡梁置羅州及石龍郡又分置石龍縣爲州郡治隋平陳郡廢大業初州廢以石龍縣屬高涼郡唐武德五年復於縣置羅州六年改南

石州貞觀九年改曰辯州天寶初曰陵水郡乾元初復曰辯州天祐元年改勳州五代屬南漢仍曰辯州宋太平興國五年改曰化州陵水郡元至元十五年改化州路安撫司十七年改總管府明洪武三年曰化州府八年降爲州省石龍縣入焉九年又降爲縣十四年復爲州

吳川縣隋分高涼縣置以縣西吳川水得名宋元屬化州明洪武八年改屬高州府

石城縣唐武德五年析石龍縣置屬羅州六年移羅州來治天寶元年改縣曰廉江又改州曰招義郡乾元元年復曰羅州宋開寶五年州縣俱廢入吳川乾道三年復析吳川置石城縣屬化州明洪武八年改屬高州府

廉州府禹貢荊州南境秦爲象郡地漢爲合浦郡之合浦縣後



漢為合浦郡治三國吳改為珠官郡尋復故

宋書州郡志合浦太守漢武帝立吳黃武七年改名珠官孫亮復舊

寰宇記以晉復為合浦者誤宋泰始七年分置越州隋平陳

郡廢大業初改州曰祿州尋復為合浦郡唐武德五年復曰越

州貞觀八年改曰廉州天寶初曰合浦郡乾元初復曰廉州五

代屬南漢宋太平興國八年廢州置太平軍咸平初復置廉州

合浦郡元置廉州路總管府明洪武二年改廉州府尋降為州

屬雷州府十四年復為府 本朝因之

合浦縣附郭漢舊縣屬合浦郡後漢為合浦郡治齊移郡治

徐聞以縣屬焉梁陳復為郡治隋平陳郡廢尋復故宋太平

興國八年廢入石康縣咸平元年復置仍為州治

靈山縣隋開皇十八年分合浦置南賓縣唐天寶元年改曰

靈山宋初徙欽州來治明洪武十四年屬廉州府

雷州府禹貢揚州南境秦為象郡地漢元鼎六年開置合浦郡

治徐聞縣後漢為合浦郡治南齊仍移合浦郡來治梁普通四

年分置合州太清元年曰南合州隋平陳復曰合州治海康縣

大業初州廢仍屬合浦郡唐武德四年復置南合州貞觀元年

更名東合州八年始改曰雷州天寶元年曰海康郡乾元元年

復曰雷州宋曰雷州海康郡元至元十五年置雷州路安撫司

十七年改總管府明洪武元年改曰雷州府 本朝因之

海康縣附郭漢置徐聞縣屬合浦三國吳改屬珠崖郡晉還

屬合浦隋平陳改置海康縣

遂溪縣南齊分徐聞置扇沙縣椹縣隋開皇十年又分置鐵

杷縣十八年改椹縣曰椹川縣大業初省以二縣屬合浦郡

唐武德初省扇沙復置椹川與鐵杷皆屬南合州天寶元年



併二縣改置遂溪縣宋開寶五年省入海康紹興十九年復置

徐聞縣漢舊縣南齊分置樂康縣為齊康郡治隋平陳郡廢改縣曰徐康唐貞觀二年改曰徐聞宋開寶五年省入海康乾道七年復置

瓊州府禹貢揚州西南徼外地漢書賈捐之諫伐珠崖疏珠崖非禹貢所及春秋所治春

秋戰國為揚越地秦末屬南越漢元封元年開置珠崖儋耳二郡始元五年省儋耳郡初元三年省珠崖郡入合浦為都尉治後漢仍屬合浦郡三國吳赤烏五年復置珠崖郡唐武德五年置崖州貞觀元年置都督府五年分置瓊州天寶初改崖州曰珠崖郡瓊州曰瓊山郡乾元初復曰崖州瓊州俱屬嶺南道貞元五年移都督府於瓊州五代屬南漢宋開寶五年省崖州熙

甯四年移瓊州治崖州故地仍曰瓊州瓊山郡政和元年升為靖海軍節度使元初曰瓊州天曆二年改曰乾寧軍民安撫司明洪武初為瓊州十四年升為府 本朝因之

瓊山縣漢初朱崖郡地後置朱虛縣後漢曰珠崖縣三國吳復故梁陳時省隋初為武德縣屬珠崖郡大業六年改置舍城縣為珠崖郡治唐武德五年於縣置崖州宋開寶五年州廢屬瓊州熙甯四年省舍城移瓊山縣來治

澄邁縣隋分珠崖郡地置以界內邁山為名

定安縣唐咸通中於瓊山縣地置忠州尋廢元至元三十一年始析置定安縣天曆二年升為南建州明初仍為定安縣文昌縣唐武德五年分珠崖郡置平昌縣貞觀元年改曰文昌以縣南文昌江得名



會同縣元至元三十年分樂會縣地置  
樂會縣唐顯慶五年析文昌縣置大觀三年割屬萬安軍紹  
興初還屬瓊州

臨高縣漢珠崖儋耳二郡地唐武德五年置臨機縣開元元  
年改曰臨高

儋州漢初南越地元封初置儋耳郡始元五年併入珠崖郡  
梁置崖州隋始置義倫縣大業初於縣置珠崖郡六年改儋  
耳郡唐武德五年改曰儋州天寶元年改爲昌化郡乾元元  
年復曰儋州宋太平興國元年改縣曰宜倫熙寧六年廢州  
爲昌化軍紹興五年廢軍以宜倫縣隸瓊州十四年復爲軍  
於縣置安撫司十六年廢軍爲端化郡尋改崖州路總管府  
端平二年改曰南甯軍明洪武二年復改爲儋州正統五年

以州治宜倫縣省入

昌化縣隋分儋耳郡地置宋熙寧六年省入宜倫元豐三年  
復置

萬州唐貞觀五年析文昌縣地置萬安縣龍朔二年於縣置  
萬安州開元九年徙州治陵水縣天寶元年改爲萬安郡至  
德二載改郡縣皆曰萬全乾元初復爲萬安州仍改縣曰萬  
安貞元初移州還治萬安縣五代南漢改縣曰萬甯宋初曰  
萬安州萬安郡熙寧七年廢爲萬安軍紹興六年廢軍十三  
年復置仍改縣曰萬安元亦曰萬安軍明洪武初改曰萬州  
正統五年以州治萬安縣省入

陵水縣隋大業六年分珠崖郡地置以縣北陵拱水得名屬  
臨振郡唐初屬振州龍朔中改屬萬安軍開元九年移州來



治貞元初復故宋熙甯七年省為鎮入萬甯元豐元年復置

紹興六年改屬瓊州十三年仍屬萬安軍明屬瓊州府

崖州隋開皇初於珠崖郡地置臨振縣大業六年置臨振郡

又分置寧遠縣唐武德中於縣置振州天寶六年改曰延德

郡乾元初復曰振州宋開寶五年改曰崖州熙甯六年省寧

遠縣又廢州為珠崖軍政和七年改曰吉陽軍紹興六年又

廢為甯遠縣十三年復置軍元亦曰吉陽軍明初改曰崖州

正統五年以州治甯遠縣省入

南澳廳明為饒平詔安二縣海島 本朝雍正十年置

佛岡廳 本朝嘉慶十八年析清遠英德二縣地置

陽江廳漢高涼縣屬合浦郡三國吳置高涼郡梁大通中置高

州隋大業初復曰高涼郡蕭銑分高涼縣置陽江縣以縣境陽

江為名唐貞觀二十三年屬恩州大順二年移恩州治陽江五

代屬南漢宋亦曰恩州恩平郡慶曆八年曰南恩州元至元十

三年置南恩路總管府十九年改為散州明初廢州以縣屬肇

慶府 本朝同治九年升為直隸廳

連山廳漢桂陽縣地梁分置廣德縣隋開皇十年改曰廣澤仁

壽元年又改曰連山屬熙平郡唐屬連州宋紹興六年廢為鎮

十八年復置仍屬連州明洪武二年改屬韶州府四年省入陽

山十四年復置屬廣州府 本朝雍正五年改連州為直隸州

縣屬焉嘉慶二十一年廢連山縣改綏徭同知

連州禹貢荊州之域春秋戰國屬楚秦為長沙郡地漢置桂陽縣



屬桂陽郡三國吳甘露元年分屬始興郡宋泰始六年置宋安郡泰豫元年郡廢屬始興郡元徽四年改始興為廣興郡齊復改為始興郡梁天監六年置陽山郡隋平陳罷郡為連州大業初改州曰熙平郡唐武德四年復曰連州天寶元年改曰連山郡乾元元年復曰連州五代初屬楚後屬南漢宋亦曰連州連山郡元至元十七年升連州路總管府屬湖南道後隸廣東道明洪武二年併桂陽州入連州尋廢十四年復置連州屬廣州府 本朝雍正五年直隸廣東布政司

陽山縣本秦末南越陽山關地漢置陽山陰山二縣後漢省陽山入陰山三國吳孫皓復置陽山縣梁屬陽山郡隋屬熙平郡唐屬連州元至元十九年割屬桂陽州明初屬韶州府尋屬廣州府 本朝雍正五年改連州為直隸州縣屬焉

南雄州漢以前同韶州府漢為豫章郡南楚縣地見舊唐書地理志李吉甫元和郡縣志以始興縣本漢南海地誤 三國吳永安六年分置始興縣屬始興郡

梁天監六年置衡州又析始興分置安遠郡隋平陳郡廢屬南海郡唐屬韶州五代南漢乾和四年始分置雄州宋開寶四年曰南雄州寰宇記以河北路有雄州故加南字宣和二年賜郡名保昌元至元十五年改南雄路明洪武初改南雄府 本朝初因之領保昌始興二縣嘉慶十二年降為州省保昌

始興縣三國吳分南楚置梁置安遠郡隋平陳郡廢唐屬韶州宋開寶四年改屬南雄州

羅定州漢蒼梧郡端溪縣地晉為晉康郡地齊置廣熙郡治龍鄉縣梁改置平原郡平原縣兼置龍州按陳書歐陽頎傳梁末為廣州刺史督十九州中有雙州舊唐志梁置建州又分建州之雙頭洞置雙州雙龍同音疑即龍州也 隋平陳郡廢開皇十



八年改平原曰瀧水大業初改州置永熙郡唐武德四年復置瀧洲天寶初改曰開陽郡乾元初復曰瀧州五代屬南漢宋開寶六年廢州以瀧水縣屬康州南宋屬德慶府元屬德慶路明初屬德慶州萬歷四年改縣置羅定州直隸廣東布政使司本朝因之

東安縣漢端溪縣地宋元嘉中分置安遂縣梁改置建州廣熙郡州尋廢隋大業初郡廢唐武德四年復置南建州貞觀八年改曰藥州十八年州廢屬康州至德元載改縣曰晉康宋開寶五年省入端溪明萬歷五年復分德慶州及新興縣地置東安縣

西寧縣晉分端溪置都城縣梁復置羅陽郡隋平陳廢郡為羅陽縣開皇十八年改曰正義大業初省入瀧水縣唐武德

四年復置尋又省明萬歷五年始分置西甯縣

嘉應州漢以前同廣州府漢為南海郡揭陽縣地東晉後為義安郡海陽縣地齊始分置程鄉縣屬義安郡唐屬潮州五代南漢乾利三年於縣置敬州宋開寶四年改曰梅州熙寧六年廢州元豐五年復置宣和二年賜名義安郡紹興六年又廢州十四年復置元至元十六年升為梅州路二十三年仍降為散州明洪武二年廢州為程鄉縣屬潮州府 本朝雍正十一年升為直隸嘉應州嘉慶十二年升為嘉應府復置程鄉縣十七年仍為州省程鄉縣

興甯縣東晉分龍川縣置

長樂縣宋天禧二年以興甯縣地置長樂鎮熙寧四年升縣平遠縣明嘉靖四十三年分程鄉及興甯縣地置



鎮平縣明崇禎六年分平遠程鄉二縣置

欽州漢合浦郡合浦縣地劉宋分置宋壽郡屬越州齊建元二年割屬交州梁武帝於郡置安州隋開皇中平陳郡廢十八年改州曰欽州治欽江縣大業初改州爲寧越郡唐武德四年復置欽州兼置總管府貞觀元年府罷天寶初復曰寧越郡乾元初復曰欽州屬嶺南道邕管五代屬南漢宋開寶五年省欽江移州治靈山南宋復移州治安遠屬廣南西路元至元十五年置欽州安撫司十六年改總管府屬海北海南道明洪武二年曰欽州府八年降爲州以州治安遠縣省入屬廉州府 本朝初因之光緒十三年割合浦靈山兩縣地益之升爲直隸州又析置防城縣屬焉

防城縣 本朝光緒十三年割欽州靈山縣地置

廣東得名考

江藩炳燭室文集云廣東廣西輿地諸書不言得名之義或云粵東在湖廣之東粵西在湖廣之西故名廣東廣西無明文可証竊謂廣者指廣信言之也漢武元鼎六年開南粵地置南海蒼梧合浦三郡屬交州刺史司馬彪續漢書郡國志蒼梧郡廣信劉昭注漢官曰刺史治縣名廣信者謂初開粵地宜廣布恩信也是可知交州刺史治廣信縣矣至孫吳黃武七年割南海蒼梧鬱林高梁四郡立廣州交趾日南九真合浦四郡爲交州俄復舊永安七年又分立交廣二州廣州之名實始於此所以名廣州者因刺史治在廣信乃取縣名之一字以爲州名耳迨及宋時分廣東路廣西路於是有廣東廣西之名矣元明 本朝因之漢之廣信今之封川縣交州刺史治廣信統領三郡今



廣東考古輯要卷一  
分三郡之地為二省封川以西廣西也封川以東廣東也吳以  
廣名州本於廣信宋以廣名省亦本於廣信也若湖廣之名始  
於明時元以前烏得有湖廣之名哉

廣東考古輯要卷二

分野

楚地翼軫之分野今之南郡江夏零陵桂陽武陵長沙盡楚分  
也漢書地理志

粵地牽牛婺女之分野今之蒼梧鬱林合浦交趾南海皆粵分  
也同上

南斗十二度至須女七度為星紀於辰在丑吳越之分野屬  
揚州費直起斗十度蔡邕起斗六度晉書天文志

張十七度至軫十一度為鶉尾於辰在巳楚之分野屬荊州  
費直起張十三度蔡邕起張十二度

翼軫楚荊州桂陽入軫六度俱同上

揚州在天官斗吳之分野兼得楚及南越之交漢之江夏汝南



地今蕪春弋陽宜屬楚漢之南海今潮陽宜屬越地杜佑通典

荆州在天文翼軫楚之分野漢之南郡江夏桂陽連山是也上同

韶廣康端封羅雷崖以東為星紀分桂柳白羅而西為鶉尾分

新唐書地理志

嶺南三代為百越之地在天文牽牛婺女越之分野漢之蒼梧

合浦南海皆其分也兼得楚之交漢桂陽今始安北境皆宜屬

楚馬端臨文獻通考

廣東布政司所屬之廣州府牛女分惠州府女分肇慶南雄二

府德慶州皆牛女分潮州府牛分雷州瓊州二府崖儋萬三

州高州府化州皆牛女分二度至危十二度元枵之次也史

天文志

廣東之連州廉州府欽州韶州府皆翼軫分軫十度至氏一度

壽星之次也上同

廣東統部天文牛女翼軫分野星紀鶉尾之次大清一統志

廣州府天文牛女分野星紀之次

韶州府天文牛女分野星紀之次

按漢書地理志桂陽郡屬荆州為翼軫分野李吉甫元和郡縣志以韶州即桂陽之曲江縣故清類分野書斷從翼軫但曲江本越故地元鼎六年平粵之後始內屬桂陽其先則與含涯滇陽同隸南海郡屬交州班固以為越地牽牛婺女之分野者是也明統志既斷從牛女而又以韶為荆州之域誤矣

惠州府天文牛女分野星紀之次

潮州府天文牛女分野星紀之次



肇慶府天文牛女分野星紀之次

高州府天文牛女分野星紀之次

廉州府天文翼軫分野鶉尾之次

雷州府天文牛女分野星紀之次

瓊州府天文牛女分野星紀之次

南雄州天文牛女分野星紀之次

羅定州天文牛女分野星紀之次

連州天文翼軫分野鶉尾之次

嘉應州天文牛女分野星紀之次俱同上

欽州同廉州

廣東考占輯要卷三

形勢

廣州府連山北峙鉅海東環所謂包山帶海險阻之地也封域綿邈田壤沃饒五嶺以南此為都會秦末任囂謂趙佗曰番禺負山險阻南海東西數千里可以立國佗因此霸有南越也晉義熙中盧循保據於此分兵北出江左震動既而與劉裕相持於浚陽裕密遣孫處等自海道至番禺傾其巢穴循敗無所歸因以覆滅使裕計不早循猶得阻險為奸其為東南患豈有已哉陳蕭勃歐陽紀等先後據廣州而皆不克振者羽翼未成本根先撥也唐置嶺南經畧使為五管之樞要乾符末黃巢假息於廣州而毒螫徧於天下天復初劉隱代有廣州恣睢南服且數十年宋之末造冀保此一隅為一成



一旅之資而卒摧於強敵者事勢已去非智計所能逮也明初分道取廣東廖永忠以海道之師自福州先至廣州廣州既下而嶺南諸郡亦望風款服矣蓋州不特為廣東之根本亦制廣西之肘腋也

韶州府唇齒江湘咽喉交廣據五嶺之口當百粵之衝且地大物繁江山秀麗誠嶺南之雄郡也晉末徐道覆以始興之衆踰嶺而北幾覆建康陳霸先當蕭梁之季倡義始興卒平侯景唐皇甫湜曰嶺南屬州韶為最大蠻越有事提兵踰嶺韶為必爭之險也宋初潘美伐南漢拔連州而東進拔韶州韶漢之北門也於是漢人大懼美進拔英州長驅至廣州而漢亾蒙古南略遣降人呂師夔敗宋師於南雄進取韶州而廣東悉為殘破明初命將取廣東陸仲亨自大庾而南入韶州

擣英德以西如破竹然韶之所係顧不重哉

惠州府東接長汀北連贛嶺控朝海之襟要壯廣南之輔展大海橫前羣山擁後誠嶺南名郡也

潮州府介閩粵之間為門戶之地負山帶海川原饒沃亦東南之雄郡也往者倭寇闖入則警戒東南姦宄伏藏則張皇西北郡蓋非閒暇之地矣

肇慶府帶山拱江延袤數千里據廣州之上游當賀梧之津要漢武帝自巴蜀發夜郎兵下牂牁江會番禺即今西江路也梁大同中交趾李賁作亂以楊暕為交州刺史討之命定州今梧州刺史蕭勃會暕於西江蕭子顯曰兩江川源深遠宋齊以來皆別置督護專征討之任陳霸先為西江督護高要太守是也李吉甫曰端州當西江口入廣西之要道明初廖永



忠等奉命平廣西亦由肇慶泝西江而上抵梧州蓋郡為兩粵之要膺東西有事此其必爭之所也

高州府據二廣之間為交衢之地西北一帶山管盤互犄犄伺隙其間一旦竊發則東西俱病矣至東南皆距大海雖有沙帶限門之阻而水深潮平倏忽易達禦倭營堡不容少疎也志云郡控山瀆海谿峒中聯為水陸襟要允矣

廉州府南濱大海西距交趾固兩粵之藩籬控蠻獠之襟要珠官之富鹽池之饒雄於南服

雷州府三面距海北負高涼有平田沃壤之利且風帆順易南出瓊崖東通閩浙亦折衝之所也

瓊州府外環大海中盤黎峒封域廣袤二千餘里蓋海外之要區西南之屏障也

羅定州襟帶千里江山聯絡蠻獠盤據恃為險奧蓋撫綏重地門庭巨防也

連州北接九疑西通桂嶺控郴永之咽喉為廣州之肩背漢平南越一軍出湟水宋伐南漢自連州進克韶州國初陸仲亨以贛州之師由韶州出連州擣肇慶以西蓋介五嶺之口為四出之途嶺南形勝斯為最矣

南雄州當庾嶺要口為南北襟喉秦王翦降百越謫戍五萬人守五嶺漢武平南越遣楊僕出豫章下湟水即此地矣南漢置雄州為北面重鎮宋末叛將呂師夔以元軍度嶺敗宋師於南雄遂取韶州舊記云州以雄名者蓋控帶羣蠻襟會百越嶺南氣息仰此一州也 五嶺之首曰大庾嶺在南雄北六十里與江西分險綿亘而西為騎田嶺都龐嶺與湖廣分



險秦王翦降百越以謫戍五萬人守五嶺淮南子曰始皇使尉屠睢發卒五十萬為五軍一軍塞罽城之嶺一軍守九疑之塞一軍處番禺之都一軍守南野之界一軍結餘干之水或謂此為五嶺非也漢書張耳傳秦有五嶺之戍裴淵廣州記五嶺大庾始安臨賀桂陽揭陽也鄧德明南康記南康大庾嶺一桂陽騎田嶺二九真都龐嶺三臨賀萌渚嶺四始安越城嶺五杜佑亦曰塞上嶺即大庾嶺一也騎田嶺二也都龐嶺三也萌渚嶺四也越城嶺五也周去非則曰五嶺之說舊以為皆指山名考之乃入嶺之途五耳非必山也自福建入廣東之循梅一也自江西之南安入南雄二也自湖廣之郴州連三也自道州入廣西之賀縣四也自全入靜江五也今大庾嶺實為北面之巨鎮云

嘉應州東則有溪南都界溪循溪而入地曰上井程鄉上杭界屢為盜賊逃遁藏聚之藪路通閩汀貨販不絕行者有戒心南則有萬安三圖馬頭山人郎廟今割附豐順等處路通三陽興長程鄉所必由時有藏聚剽劫之害西則有平遠腰古丹竹樓等處路通長寧安遠奸宄出沒與獠獍等王陽明剿服始歸化焉北則有鎮平石窟員子山鐵山嶂等處路通汀贛寇出江閩潛侵鄰縣皆於此嘯聚樟坑一處其近程之盜藪也舉步則入程界之石峰逕矣

欽州控臨大海制馭安南為藩籬要防折衝重地永樂中兩征交趾皆自廣西之憑祥雲南之蒙自而未嘗以奇兵出欽州傾其內險故賊得以偷息海上則欽州滅交趾之要途也嘉靖中州臣林希元曾建議而不果有事交趾者安可後欽州



而不謹歟

廣東攷古輯要卷四

風俗

粵人之俗好相攻擊秦南海尉佗居南方長治之甚有文理粵

人相攻擊之俗益止

漢書高帝紀

粵人勇之言粵人俗鬼

師古曰勇之粵人名也俗鬼言其土俗尚鬼神之事

而其祠皆見

鬼數有效昔東甌王敬鬼壽百六十歲後世怠慢故衰耗迺

命粵巫立粵祝祠安臺無壇亦祠天神帝百鬼而以雞卜上

信之粵祠雞卜自此始用

漢書郊祀志

粵地秦南海尉趙佗自王傳國至武帝時滅以為郡處近海多

犀象毒冒珠璣銀銅果布之湊中國往商賈者多取富焉番

禺其一都會也

漢書地理志

楊雄交州箴南海之宇聖武是恢稍稍受羈遂遵黃支牽來其



犀航海三萬泉竭中虛徐堅初學記

南粵以孔雀珥門戶桓寬鹽鐵論

吳都賦篙工檝師選自閩禺番禺也彼習御長風狎翫靈胥

裴淵廣州記豪富女子以金銀為大釵執以扣銅鼓號為銅鼓

太平御覽

越俗以珠為上寶生女謂之珠娘生男謂之珠兒吳越間俗說

明珠一斛貴如王者合浦有珠市任昉述異記

廣州濱際海隅委輸交部雖民戶不多而狸獠猥雜皆樓居山

險不肯賓服西南二江川源深遠別置督護專征討之事捲

握之資富兼十世尉佗餘基亦有霸迹南齊書州郡志

南中八郡志曰檳榔土人以為貴欸客必先進若邂逅不設用

相嫌恨歐陽詢藝文類聚

嶺表所重之節臘一伏二冬三年四劉恂嶺表錄異

漢郊祀志言粵人信鬼而以雞卜李奇注謂持雞骨卜也唐柳

子厚亦言雞骨占年今粵俗不然實用雞卵其法先祭鬼乃

取雞卵墨畫其表以為外象畫皆有重輕類分我別彼猶易

卦所謂世與應者於是北面詔鬼神而道厥事然後誓之報

卵鑰中熟則以刀橫斷雞卵其黃白厚薄處為內象配用外

象之彼我以求其祲克與否凡卜病卜行人雜殊有驗蔡條鐵圖

山叢談

廣州府

郭景純云南海之間有衣冠之氣者斯其地也太平御覽

閩閩霧樸土女雲流歌聲有霸道之餘毗俗得華風之雅王勃

塔記



廣素號富饒年來寢不逮昔而文風彪然日以張雖蕉阜桃林

之墟蠟田蟹窟之嶼絃歌瑋相聞挾藝待試上都者數甚嗇

每聯科登名與中州等李昂英重修南海志序

南海廣東一都會也海舶賈番以珠犀為之貨叢委於地號稱

富庶其風俗事佛尤謹趙叔益干佛塔記

東莞故郡也後為監郡監榜猶在及為縣地軼賦夥秀民之職

有司者倍他邑王中行遷學記

韶州府

韶之曲江所謂將相之鄉也唐李勣司空廟碑

控挹五嶺韶為交衢唇齒湘江咽喉交廣地之重也霜霧北均

瘴癘南盡氣之和也霞變萬拱雲蒸千礎麗之廣也余靖武溪集

英州圖經富家樂商販貧者就農耕輿地紀勝

韶州圖經習尚樸而不襍滄而不漓商不富賈不巨工不良技

不巧歲時不事游宴英州號小法場土曠人稀為農者擇沃

土以耕而於磽地多不用力明統志

惠州府

龍川縣織竹為布人多蠻獠婦人為市男子坐家太平寰宇記

郡學記古成之第進士張秘郎魁南宮皆惠人為南越倡此邦

人物不下他州輿地紀勝

惠州壤鄰汀贛奸民實繁明祝允明記

王文成以軍旅至其流風餘韻粵人士至今服習尸祝之葉夢熊記

惠居五嶺東南羅浮甲於天下重溟環之其民鍾氣於山大都

樸野恂悞故訐訟狂獄鮮而推魯頑昧或不免焉黃佐郡志序

潮州府



州在廣州極東界過海口下惡水濤瀧壯猛颶風鱷魚禍患不

測州南近界瘴海連天毒霧瘴氣日夕發作昌黎文集

此州學廢日久進士明經百十年間不聞夫十室之邑必有忠

信今此州戶萬有餘豈無庶幾者耶同上

始潮人未知學命進士趙德為之師自是潮之士皆篤於文行

延及齊民至於今號稱易治東坡文集

圖經云太平興國間始有聯名桂籍者輿地紀勝

### 肇慶府

吳錄地理志曰蒼梧高要縣郡下人避瘴氣乘筏來停此六月

來十月去歲歲如此太平御覽

新州風俗以雞骨占吉凶漢書云越巫以雞卜此也衣服即都

落吉貝蕉布豪渠之家喪祭則鳴鑼鼓召眾鳴春堂巧作木

壘藤帽五色藤箱席太平寰宇記

地最避僻俗性獷悍易動難安包孝肅集

端之為郡也萬山四峙攢秀壘碧大江橫前環抱逶迤原野疏

曠無瘴癘之侵俗尚簡樸梗化者亦復間見比年以來號為

易治政平訟理囹圄空虛公無負租民安其業元王揆包公祠記

### 高州府

其俗生時布衣不充死則盡財殯送父子別業兄弟異財無故

帶刀持矛執劍相侵則鳴春堂集子弟和則殺牛市則二日

一合寰宇記

圖經高在粵地民尚簡儉易於取足元城先生謂此間飲食粗

足絕無醫藥土人遇疾惟祭鬼以祈福輿地紀勝

化州圖經其俗信鬼好淫祠化之為俗士民被禮遜之教出入



頗衣冠相尚雖賤吏服亦襟衽無復文身斷髮之舊同上  
高地瘠而多曠民窳而習於侈明徐兆魁曾公祠記

廉州府

百姓以採珠為業商賈往來以珠貨米晉書陶璜傳

語音言多侏僂字墨少諳杜譔俗字官府不能辨別有夷人名

高粱人不事耕稼以入海捕魚為業初春往射翡翠於鴉州

謂之拾翠黃志

雷州府

元和郡縣志漢置左右候官在徐聞縣南七里積貨物於此備

其 sought 與交易有利故諺曰欲拔貧詣徐聞輿地紀勝

雷州春夏日無日無雷至秋伏地中其狀如彘人皆取食國史補

蠻言莫辨海氣常昏出有踐蛇茹蠱之憂人有陽淫陰伏之病

蘇轍頴濱集

始雷俗未知禮遜長子之長常為長易數世之後至叔父常拜

猶子自諭以長幼之序親疏之義悉革其舊張栻思亭後記

瓊州府

合浦徐聞南入海得大州方千里武帝略以為儋耳珠崖郡民

皆服布如單被穿中央為貫頭男子耕農種禾稻紵麻女子

桑蠶織績亡馬與虎民有五蓄山多麀麀兵則矛盾刀木弓

弩竹矢或骨為鏃自初為郡縣吏卒中國人多侵陵之故率

數歲一反漢書地理志

珠崖儋耳二郡在海州上其渠師貴長耳皆穿而縋之垂肩三

寸後頗徙中國罪人使雜居其間乃稍知言語漸見禮化後漢書南蠻傳

書南蠻傳



廣志云珠崖人皆巢居初學記

山海經曰儋耳卽離耳也皆鑊其頰皮上連耳斥狀似雞腸下

垂在海渚不食五穀食蚌及鼈而已寰宇記

自漢末至五代中原避亂者多家於此今衣冠禮樂蓋班班然

矣蘇軾伏波廟記

東坡帖云儋州食無肉出無友居無屋病無醫冬無炭夏無泉

語雖不多已盡風土之大概夏無蠅蚊則可喜也東坡志林

貢院試期以六月勸駕以九月以檳榔爲命以諸藥爲糧輿地紀勝

萬州質野畏法城市以織造藤器爲業

連山綏徭廳與連州參看

連州

連州民風與長沙同荒服之善部炎裔之涼墟劉禹錫刺史廳記

陽山天下之窮處也縣郭無居民官無丞尉夾江荒茅篁竹之

間小吏十餘家始至言語不通畫地爲字然後可告以出租賦

奉期約韓愈送區册序

陳若冲連山縣記人物富庶商賈阜通有小梁州之號輿地紀勝

羅定州

土著之民多質悍利入徭爲雄長客籍之民多文巧出徭爲圉

明袁昌祚記

瀧水山深而險地僻而陋雖縣市中居民甚少窮鄉遠村徭獠

錯雜以居而深山大谷之中悉爲其巢穴自古爲民患尹鳳岐瀧水縣記

西甯地境寬平風氣融萃何維柏建縣志

南雄州



南雄州教授洪勳修學記其俗一而不雜其風淳而不漓其人

所習多詩書禮樂之業輿地紀勝

南雄古郡凋敝甚政和平則盜賊滯迹野無閒田四境內粗曰

富庶張元正學記

嘉應州

成化中刑部郎中洪鐘言廣東程鄉流移錯雜習鬪爭易亂宜

及平時令有司立鄉社學教之詩書禮誨明史洪鐘傳

程鄉風俗善多而惡少陳獻章學記

興甯俗輕生而善構祝允明記

欽州

欽州村落土人新婦之餘以碎雜絲合成綳毳文如大方帕名

衫左右兩個縫成袖口披著以為上服其長止及腰婆娑然

也謂之婆衫其裙四圍縫製其長丈餘穿之以足而繫於腰

間以藤束腰抽其裙令短聚所抽於腰則腰特大矣謂之婆

裙頭頂藤笠粧以百花鳳為新婦服之一月雖出入村落墟

市亦不釋之宋周去非嶺外代答

淳樸衣無華彩屋多茅覆婦女悉負擔貿易地曠力靳民無

蓄積多窮迫富鮮百金之家節朔寒暄冠昏喪祭與中州不

甚異其讀書業儒聲明文物亦駸駸乎有中土之風焉州志



廣東攷古輯要卷五

水道

北江總考

北江總考 省河珠江

西江海道

西江總考 瓊州水道

東江

東江

北江

北江發源於湖南臨武縣西境華陰山之北東行二十里為武水又東行二十里繞臨武縣城迤北而東約四十里入宜章縣之西境東南行約四十里北有自宜章縣城北摺嶺發源之二水匯城西之涪水琴水合而入廣東樂昌縣西北境為北江南行十七里西有穀溪水自西南來注之穀溪水發源於乳源縣之西南境石子嶺東北行二十里為魚巖河又北行四十五里為遼水又北行三十里至司茅坪西有小水自西南來注之又迤西行二十里西有武水自西南來注之又迤東北行三十里與西南來之穀溪水匯合而東行十五里





入北江南行十里東有白沙水自東北來注之又迤東南行十里北有羅渡水自東北來注之又迤東行十里爲老瀧河迤東南行五里爲新瀧河又東南行五里爲滁瀧河西有加莊水自西南來注之又東南行五里爲冰瀧河又東迤北五里爲枚瀧河北有師公坑水自東北來注之爲燕瀧又東行十里南有小水自西南來注之又東行十里爲腰瀧河北有九峯水自東北來注之九峯水分四源一發源於鳳落甲東行而南一發源於大廊甲南行折西轉南一發源於橫阮西南行一發源於茶料甲西行而南均由樂昌縣北境各六七十里至岐門村南入北江爲金瀧又南行五里爲白茫瀧東有大埏水自東北來注之又南行七里西有滑石阮水自西來注之又東行八里南有黃泥阮水自西南來注之又東行

迤南二十里北有小水自北來注之又東南行五里南有張溪水自西來注之又東行十里繞樂昌縣城北有小水自西北分流環繞來注之又東南行七里西有小水自北來注之又南行三里西有小水自西來注之又南行三里東有長埒水自北東來注之長埒水分三源一源發於杉木洞正南行一源發於錫坑南行而西而南一源發於白石洞西行而南均在樂昌縣東北境曲折百五六十里至長埒村西入於北江南行五里折東南行十五里轉西行十里西有小水自西南來注之折南行十里有楊溪水自西南來注之楊溪水自乳源縣之南境盪下發源北迤東行七十里北有雙江水自西北來注之折東南行六十里迤東北行八十里東入於北江南行十五里入曲江縣之西北境又南行十五里迤東南



行四十里折西南行五里西有桂水自西北來注之又南行  
十里西有重陽水自西南來注之折東行十五里轉南行二  
十五里折東行二十里東有虞泉小水自東北來注之又南  
行十二里繞曲江縣城與東北之錦江滇水滙錦江自湖南  
桂陽縣南境之屋嶺山發源爲屋嶺水南行二十里入廣東  
仁化縣西北境爲恩溪水迤東南行二十里折西南行五里  
又轉東南行五里東有小水自仁化縣東北境迤南西行七  
八十里來注之爲錦江又西南行十五里西有厚阮水自西  
北來注之又南行三里東有扶溪水自東來注之又南行十  
里東有康溪水注之康溪水自南雄州之東北境百順司發  
源爲石峽水西南行八十里北受小水又東行一百一十里  
西入於錦江又西南行十里繞仁化縣城西有會瀆水自西

北來注之又西南行五里西有澌溪水自北來約九十里滙  
西來之潼陽水同注之又南行七十里東有滇水注之滇水  
自南雄州東北境油山發源南行四十里東有昌水自東北  
來注之又西南行十五里南有平田水自東來注之又東南  
行五里南有芙蓉水自東南來注之又西行十里南有夾水  
自東南來注之又西行五里北有東溪水滙春阮水自北來  
注之又西行五里北有北阮水滙橫水自北來注之又西行  
五里南有長潭水自東南來注之又西迤北行三十里西有  
沙水自北東來注之又西行十五里過南雄州城東有裏溪  
水自城西北發源東南行折西南來注之又西行十里南有  
修仁水自東南來注之又西南折而北行四十里北有半逕  
水自西北來注之又西行五里入始興縣境又西行二十五



里南有都安水自東南來注之又西南行二十里北有坪石水自東北來注之又西南行十五里南有上湖水自東南來注之又西行二十五里北有大坪水自東北來注之又西南行二十里東有涼傘水自東來注之涼傘水發源於始興縣西南境之沙子嶺東行十五里爲墨江水又東行二十里北受律水又東行二十五里北受煖水又東南行十五里南受小水又東行五里南受小水又迤北行三里東受小水又北行十里西受小水又北迤西行七十五里折東北行二十里東受小水正北行十里折西北行十五里北受崔子石發源之湖水又西迤北行三十里過始興縣城南受小水又西北行十里北入瀆水又西迤北折而南行九十五里東有黎水注之又西曲折行九十里與錦江匯再西而南行五十里東

有靈溪水自東南來注之又西南行四十里至曲江縣與武水合西入於北江又西南行二十里東有大湧泉水注之又南行二十里折而西行三十里折而南行三十里西有瀧水注之瀧水發源於乳源縣城之西北境芹苴塘南行七十里西受小水折東行十里南有盪盤水自西南境北流注之又東迤北行三十里至乳源縣城南有清江水自西南冷水巖來注之又東行十五里南有河頭水自西南來注之又東南行五十里西有小水注之又東南行四十里西入於北江又南行五里東有膏溪瀧溪二水合而西行均百六七十里至馬埧水口東入注之又南行二十里折而東南行四十里西有宣溪水自西來注之又南行二十五里入英德縣東北境又南行五里東有石角水自東北七八十里來注之又迤西



南行五十里東有牛渡水自東北來注之又迤西南行三十  
五里西有牛牯潭水自西來注之又迤西南行二十里西有  
觀音阮水自西來注之折迤東南行三十里北有朗姑阮水  
自北來注之折南行八里東有太平阮水自東來注之又西  
南行四十里至英德縣城東有翁江水注之翁江水分南北  
二源南源發於長甯縣西南境之黃牛石自西折北行六十  
里爲紋羅水西受小水又北行十里東西各有小水注之又  
北行三十里西受小水折西行三十里北受小水又西行三  
十里入英德縣之東境又西南行九十里南有水頭汎河自  
佛岡廳之東北境發源西滙高江水東滙姚田水由東南來  
注之又西行十五里與北源滙北源發於翁源縣之翁新墟  
爲羅江水西南行七十里南有南浦水注之又西南行二十

里西有芙蓉水橫江水老虎壩水滙龍仙峽水注之又西南  
行四十里南有礮頭受兩小水注之又西行三十里北有小  
水注之又西行二十里南有兩小水合注之又西行十五里  
北有九龍水注之又西行九十里北有翁源城北之太平水  
油溪水漁溪水新塘水時魚阮水雪溪橋水至縣城西合城  
東之周村水老虎巖前水均由江鎮水自北來注之又南行  
十里東有龍溪水注之又西南行五十里西有溫山水曲潭  
水注之又西南行三十里與南源滙合而西行八十里至英  
德縣城北入於北江又西行五里西有大滑石水注之又南  
行八里西有琅溪水注之又南行十五里東有波羅阮水注  
之又西南行三十里與滙水滙滙水發源於連州東北境西  
行五十里爲奉化水西受小水又南行二十里東有白水注



之又西行十里北有輔國水注之又西南行十里東有小水注之又西行二十里北有保安水注之又南行十五里北有湟水蘖水西匯石馬瀧水南匯小水自北與西來注之又南行三十里過連州城西有鶯兒水北匯橫水過連山廳城南受茂古水又南合橫阮猺排水自西來注之又南行五里西有倒流水注之又南行三十五里東有小水注之又南行十里西有小水注之又東南行八十里至陽山縣城南有小水注之又東行四十里北有水口汎水注之又東南行六十里入英德縣境又東南行十里東有波羅水東匯五溪水西匯桂水自東北來注之又東南行五十里東有石灰水匯白羊水注之又東南行四十里南有黃花水注之又東行五里北有

初溪阮水注之又東行二十五里北有泥橋水注之又東行五里入於北江又南行三里東有大樟水自東北來注之又南行三十里西有黎洞水東有鐵溪水注之又南行三十里入清遠縣境又西南行二十五里西有小水注之又西南行十五里東有滘江水注之滘江水發源於佛岡廳東北境逕頭鄉西南行五十里為吉河水北受神逕水又西行十里南受達溪水又西行十里北受東阮水又西行十五里西受觀音洞水又南行二十五里過佛岡廳城西有龍潭及夾河水注之又西南行四十里入清遠縣境又西南行二十里東有羊角山水注之又西行三十里南有小水自東來注之又西行二十里南有橫江水注之又西迤南行十里西有小水自東北來注之又南迤西行二十里南有小水注之又西行十



里南有三丫口之龍潭水自西南曲折來注之又西行五里西入於北江又西南行二十五里南有龍潭水口北有白廟汎水注之又西南行二十里北有小水注之南有通三丫口之三角海水注之又西南行十五里過清遠縣城西有通濱江之小水注之又西南行十里西有濱江水注之濱江水發源於清遠縣城北之白石潭東南行五十里東受小水又東南行十里西受小水又東南行四十里東受小水折西南行三十里西受小水折東南行四十里東受小水又南行十五里西受小水又東南十里東西各有小水注之又東南行十里東受小水又東南二十五里東受小水又東南行四十里西入於北江又西南行二十里西有小水注之又南行十里東有通三丫口之大燕水注之又西南行四十里入三水縣

境又西南行十里西有鴉浦水注之又南行四十里有通花縣之蘆包水自東北來注之又西南行五十里有綏江水注之綏江發源於廣西懷集縣入廣東廣寧縣東北境之水月宮南行二十五里東受顧水西受南鄉水又西南行五十里西受小水又東南行十里東受小水又東南行三十里西有青水匯金場水自西南來注之又東南行十五里西有大良水注之又東南行十里東有廣寧縣城東之黃岡水城西之東鄉水匯於城南自東來注之又東行二十五里北有小水南有黎洞及曾村二水注之又東南行二十里西有新招水北有扶羅水注之又南行五里西有白花水注之又南行五里東有小水注之又東行五里北有深水注之又東行五里北有小水注之又南行十五里西有小水注之又東南行十



五里西有寮半水注之又東南行五里西有大烏水注之又  
東行五里入四會縣境又東南行八十里過四會縣城北有  
龍江水由廣寧縣之東境分七源合流二百餘里自東北來  
注之又東南行四十里北有東阮水滙西阮水自東北來注  
之又東南行三十里分東西兩口西口爲青歧水南入於西  
江東口東南行三十里東有六泊草塘水注之又東南行二  
十里西入於北江又南行二十里至三水縣城西與西江滙  
又東行二十里北有通蘆包之馬逕水經三江口自東北來  
注之又東南行十里入南海縣境又東行十里北有沙涌水  
分兩支注之又南行三十里東有通省河之花埭口經佛山  
至紫洞自西來注之又西南行十里西有通橫江之小水注  
之又南行十五里西有渡濬水滙銀河水南通九江自江浦

口之西北來注之又東南行二十里入順德縣境又東南行  
三十里西有北通江浦口南通九江諸小水之龍江水自西  
北來注之又東南行十里分東南二支南支由三漕海歷勒  
樓經甘竹灘西入於西江之下流東支折北行十里西有通  
省河之扶間水注之折東行二十里南有西通西江東通順  
德縣城諸小水由黃連海南來注之又東行二十里有通省  
河之北濬水注之又東行七里北有通北濬之小水注之又  
東行十里入番禺縣境北受省河支分水合而東南行十里  
東受沙田諸小水又東南行二十里入香山縣境西與順德  
縣城之南減之北諸小水由分而合之水口滙又南行三里  
西滙容奇北水又東南行五里東滙潭州沙田水西滙容奇  
南水又東南行五里西滙雁企沙兩小水又東南十五里東



西均有沙田水匯又東南行四十里入於海此北江之源流也

北江總考

北江自樂昌縣西北境曲折東南行二百一十里入曲江縣境又東南曲折行九十里至曲江縣城東南匯漬水又曲折東南行一百八十里入英德縣境又曲折西南行百五十里至英德縣城南東匯翁江又西南行五十里西匯滙水又南行五十里入清遠縣境又西南行四十里東匯滙江又西南行六十里西匯濱江又西南行五十里入三水縣境又西南行八十里西匯綏江又南行二十里至三水縣城西西匯西江又東南行三十里入南海縣境又東南行四十里東匯省河又東南行四十里入順德縣境又東南行四十里分東南二

支南支由三漕海西南行匯西江入於海東支折北轉東行七十里入番禺縣境又東南行六十里入香山縣境又東南行八十里入於海共計水程一千三百四十里過九縣匯入大水此北江之總考也

西江

西江有兩源一源發於雲南之南甯縣一源發於廣西之興安縣與湘水通均至廣西之蒼梧縣南匯合而東行三十里入廣東封川縣之西境南有分界涌小水注之又東南行六十里北受賀江水賀江發源於廣西蒼梧縣東北境入廣東開建縣之西北境爲開江南行三十里東有滙縣東北之潭霜水及由廣西懷集縣西入縣東之金裝水合而西南來注之又西南行三十里西有蓮塘水注之又南流十里過開建縣



城東有金縷水滙大肚嶺水合而西來注之又南行十里東有黎水南滙浪嶺水合而西來注之又南行十里西有小玉水注之又南行十五里東有小洞水西有大玉水注之又西南行十里北有都羅水注之又西南行五里西有都平水注之又東南行十五里爲賀江西有官涌水注之又東南行十里入封川縣境又東南行十里北有自廣西懷集縣入廣東封川縣北境之甯洞水滙雲塘水及孔生河水合爲杏水自東北來注之又東行三里北有新村水注之又東南行五里西有馬尿河滙深阮水及石巖河並三圳水暨五洞水與青水合流爲文德水均自西北來注之又南行五里東有貴阮水自東南來注之又西南行五里自廣西蒼梧縣入廣東封川縣西南境之上律水自西來注之又西南三十里北入於

西江又東南行十里過封川縣城北有東廂河水注之又東行十里北有旺沙水注之又東行五里北有大窩水滙流腦河及逕口水並思逢水暨豐溪河合而北來注之又東南行五里南有蟠龍水西滙三小水自南來注之又東南行五里入西甯縣境南有鴉歌吼水北有世陽水注之又東南行十五里北有小水注之又東南行十五里入德慶州西甯縣交界境西有小水注之又東南行十五里西有大燕水注之又東行十里南有自西甯縣城西發源過縣城之文昌水滙桂河自西南來注之又東行四十里中有兩小水注之北有自封川縣東發源東西各滙兩小水合淥水自西北來注之又東行十里北有蓉塘水注之又東行十里過德慶州城北有端溪水注之南有南江水注之南江發源於西甯縣分屬之



湘洞北行四十里入羅定州之西南境又東南行六十里折北行二十里爲瀧水東滙石印水折西行五里轉北行五里西滙新榕河東北行三十里西滙雲致水北行五里西有上瀧水滙三都水注之又北行十里西有自西甯縣來之到沙河

水注之又東行十里過羅定州城折南行五里轉東北行二十里入西甯縣境又東北行五十里西有濂清水注之又東北行三十里南有船步水滙東水自西南來注之又東北行十里南有圭河水注之又東北行十里東有自東安縣來之宋桂水注之又東北行二十里西有古蓬水注之又東北行五里入於西江入東安縣境又東北行二十五里西有自德慶州來之馬墟水滙兩小水自西北來注之又東北行五里北有扶號水注之又東南行二十里北有思夫水注之又

東行五里南有遠河水注之又東南行十五里南有自東安縣城東之大絳水注之又東迤北行四十里西有自廣西懷集縣來人廣東德慶州東北境名靈凌水滙益村水及車牛水並雙城水與武龍水合九龍水會瑞洞水合流爲悅城水自北來注之又東南行十里入高要縣境又東行十里北有大榕水滙小水注之又東行二十里北有幌傘頂水滙羅帶水及河社水並苦竹水與黃青水合流爲都偃水自北來注之又東行五里北有九坑山水合筍洞水自東北來注之又東行五里北有大湘水小湘水兩水注之南有溢洞水注之又東南行三十里過肇慶府高要縣城又東北行五里北有新瀝水注之南有河華水注之河華水發源於新興縣之西南境錦水滙盧溪水及新興縣西南之青溪水並思龍水合



通利水暨河水會客朗水爲新興江受上逕水匯孔洞水及  
新宅水諸流合而北入於西江又東北行三十里南有金雞  
水合宋崇水注之又東北行十五里北有後瀝水寧塘水兩  
水注之又東南行五里北有九阡山水匯長利水注之又東  
北行十五里北有橫查水注之又東行三十里南有典水注  
之又東行五里北有貝水注之又東行十里入三水縣境北  
有通綏江分支之青歧水注之南有古埧水注之又東北行  
二十里分東南二口東口至三水縣城匯北江南口東有小  
水匯入又南行三十里西有通埧水之小龍水注之又東南  
行五里入南海縣境西有瀘濬水注之瀘濬水發源於高要  
縣西南境爲鴨逕水入高明縣境合五阡口水及石橋水過  
高明縣城會長岡水及通小龍水之北港水合流爲瀘濬水

分南北二口入西江又東南行五里東受小水又東南行十  
里西有瀘濬水之南口注之東有通北江之江浦口水注之  
又東南行四十里西有小水注之東有通北江之九江諸小  
水注之又東南行六十里入新會縣境北有九江諸小水合  
而注之南有三夾海水麗水朱六合水由古勞小河並樓冲  
水合而注之又東行二十里西有通北江下流之甘竹灘水  
注之折南行十五里西有小水注之東有通北江由雁企沙  
厓東西馬甯水頭海海心沙合而至仰船海注之又東南行  
二十里西有濬水虎溪水川水分兩口注之又東南行十里  
分東南二口東口東南行二十里入香山縣境南行十五里  
西匯荷塘水口及猴子山水口東匯古鎮海口又南行十里  
西匯外海水口又東南行二十里北有三口皆通北江下流



沙田諸小水分流合注之又東南行四十里北有香山縣城北通橫洲入海諸小水分流合注之西通銀潭橫山兩大水口分兩支一由磨刀門入海一由泥灣門入海此西江由東口入海之源流也南口南行十里西有滯水之下流注之東滙荷塘水又西南行十里西有桐水受諸小水合注之又東南行十里東滙猴子山水口西有溪水受桐水合注之又西南行十里北有四小水注之西滙新會北水口又南行四十五里東有東甲西甲流滯塔東尾塔東汎諸水口又南行五里東滙山海口西滙新會南水口新會水發源於恩平縣西北境之君子河東南行五十里北滙岑洞水又東南行二十里西有半亭水滯頭水注之又東南行三十里過恩平縣城爲錦水南有橫槎水注之又東北行十里西有潭流水注之又

東北行二十五里入開平縣境北有牛岡渡水南有金雞水注之又東南行四十里爲赤礮水北有小水南有長塘水注之又東行十里南有小水注之北有開平縣城東北由六源分派合流至開平縣城南滙城西北來之獨鶴水南行東受兩小水西受一小水爲尖石水注之又東南行四十里南有自新甯縣城東分兩源合流過新甯縣城滙三小水由東南來注之又東行五里南有小水注之又東北行十里南有小水注之又東北行十五里南有小水注之又東北行十五里南北各有小水注之又東行十五里南北各有小水注之又東行五里人新會縣境北有自鶴山縣城之東城之南分四源滙東阮水及黑阮水並桂阮水合雲鄉水會殷洞水暨五凸型水爲潭江自北來注之又東北行十里北有小水注之



又東行四十里南有兩小水注之北有自鶴山縣東南境來之老女橋水注之又東北行二十里南有由火爐嶺發源小水匯各通海之潭溪九曲諸小水口自西南來注之北有由鶴山縣東北境分四源合流爲橋亭水西通老女橋水自西北來注之又東行三十里北有五小水注之南有一水口又東行五里分東南二支東支東北行三十里過新會縣城北受三小水爲北口南支東南行二十里又分東南二支東支匯通東口之橫山水口折西南行五十里由虎跳門入海南支行四十里南由崖門入海此西江南口之源流也

西江總考

西江自封川縣西境東南行六十里北匯賀江又東南行五十里入西甯縣境又東南行四十里入德慶州西甯縣交界境

又東南行四十里南匯桂河水又東北行四十里北匯淶水又東北行三十里入東安縣境又東北行三十里北匯馬墟水又東南行百里北匯悅城水入高要縣境又東行二百三十里北匯綏江之青岐水入三水縣境又東行三十里北匯北江又南行七十里入南海高明兩縣交界境東匯北江下流之南支合而東南行九十里入順德新會兩縣交界境又東南行六十里分東南二支東支東南行百五十里由香山縣之磨刀門入於海南支南行七十里又分東西二支東支由東南折西南行百二十里出虎跳門入於海西支西匯尖石水西南行九十里由崖門入於海共計水程一千零二十里過十一縣匯七大水此西江之總考也

東江



東江自江西定南廳之南境發源東南行五十里入廣東和平縣之北境爲定南水東南行二十里南有烏虎水注之東北行三十里北有小水注之又東南行七十里北有小水注之又東南行五十里入龍川縣北境又南迤東行五十里西有渡田河注之爲合河口又西南行七十里北有九龍水合注之九龍合水發源於和平縣北境爲湯坊水東南行四十里西受小水又南行三十里西有小水注之又南行三十里西受小水又西南行十里過和平縣城西有兩小水合注之爲合水口南行十五里西有泐溪水匯四小水自西北行百八十九十里來注之又曲折南行折東四十里南有小水注之又東折南行五十里西有大魚潭受三小水自東北百二三十里來注之又南行折東四十里入龍川縣境又東南行十五

里西入於東江又曲折西南行八十里至龍川縣城之南北有小水注之又西南行五里北有合溪水注之又南行十五里入河源縣境東西各有小水注之又西南行二十五里東有藍溪受四小水注之西有三小水合而注之又西南行二十里東有康禾水受四小水注之又西南行十五里東有黃田水受兩小水注之又西南行十五里南有久社水北有雙渡水注之又西南行三十里北有三小水合注之南有獨石水注之又西行五里北有木京水注之又西行十里北有黃沙水南有禾溪水注之又西行十里至河源縣舊城東境北有新豐江注之新豐江發源於連平州東北境上坪墟西南行七十里爲內管水西有小水注之又南行二十里過連平州城東境西有密溪水受小水過州南注之又曲折南行百



里入河源縣境西有由長甯縣西北境發源南行折東百一  
十里受二小水過長甯縣城爲新豐水受羌阮水自西來注  
之又東南行十里北有大席水注之又東南行十五里西有  
由連平州來之忠信水會河源縣來之二龍岡水自東北及  
東南來合注之又南行四十里西有錫場水注之又南行十  
里西有立溪水受小水合注之又東南行五里入河源縣境  
爲新豐江又東行十里北有小水注之又東南行十里西有  
三小水合流注之又南行三里東有六小水合流注之又南  
行十里西有小水注之又東南行四十里過河源縣新城北  
有小水注之又南行十里過河源舊城西入於東江又西南  
行十里東有三合洞水及石公神水分兩日注之又西南行  
三十里西有小水注之又西南行四十里西有小水注之又

南行十里西有由永安縣城南發源西南行二百七十里中  
受十小水之秋香江注之又南行十里入博羅歸善兩縣境  
又西南行五十里西有南田水瀧頭水龍江公莊水蘇公水  
金雞瀝水自西北來合而注之又南行十里入博羅歸善兩  
縣境又曲折西南行一百里過歸善縣城西北境南有西江  
通西湖水注之西江水發源於歸善縣東北境龍頭石曲折  
西行四百二十里中受二十二小水並匯縣東南之長塘水  
正南之米塘水入湖絲潭過陰山湖逾大塘肚交鍾崗水北  
入於東江又西行十里南有通西江之西湖水注之又西南  
行五十里過博羅縣城又西南折北行四十里東有溶溪水  
自北來注之又西行十五里入東莞縣境北有大羅陂水注  
之南有潼湖水注之潼湖南有一口通九江水由虎門入海



又西行三十里北有小水注之又西南行十里南匯通九江  
之小水又西南行二十里北有通流之兩小水注之南匯通  
九江之小水又西行三十里北有通流之兩小水注之又西  
行五里南匯通九江之小水又西行十里北有龍江水西匯  
新溪水及碧江水並通流之兩小水注之南有通九江之石  
龍汎水注之又西行三十里南有小水注之北有通流之小  
水口又西行十里東有東莞縣城南之丙水城西之迎恩水  
匯通曲海及九江西南行之水口又西行十里北有增江水  
注之增江發源於龍門縣西北境分水凹東南行三十里北  
受小水又東南行三十里北有英公洞水及白泥阮水合注  
之又東南行二十里北有密溪水注之又東行十里北有蛟  
子阮水受兩小水注之又東南行四十里西有西林水匯土

湖村水合注之又東行五里北有小水注之又東行五里過  
龍門縣城又東行十里北有白沙水受六小水合注之又東  
南行十里東有三崗水西有榕溪水注之又西南行五里西  
有牛瀝冲水注之又西南行十里東有黃嶺水注之又西南  
行十五里西有研村水注之又西南行十里東有蓼溪水西  
有牛井逕水注之又西南行十里東有百花礫水西有西溪  
水注之又南行五里西有高沙水東有小水注之又南行十  
里東有大陂水注之又南行十里東有牛背阮水注之又西  
行十里北有桂村水注之又西行十里北有永清水受六小  
水注之又西行五十里入增城縣境又西南行六十里西有  
派潭水受三小水注之又南行十里東有九曲水西有澄溪  
水注之又南行三十里過增城縣城西有百花林水注之又



東南行二十里東匯新溪碧江兩水口又西南行三十里南入於東江又西行五里南有通曲海之凰涌口又西行十里北有綏福水受五小水注之又西行五里南有通曲海之到塹涌口又西行十里南有通曲海之中堂澗口北有小水匯通流之小水注之又西行五里南有通曲海之清水澗口北有東洲水分兩口注之又西行十里南有通曲海之私鹽澗及華陽兩水口北有西洲水合通流之小水注之又西行五里南北各有水口又西行五里分西南二支西支北受小水由東灣入省河珠江南支西南行十五里爲大纜口入省河之珠江此東江之源流也

### 東江總考

東江自和平縣東北境東南行百七十里入龍川縣境又東南

折西南行百四十里北匯合河水又西南行百二十里入河源縣境又西南行百八十里北匯新豐江又西南行二十里入永安河源兩縣交界境又西南行八十里東匯秋香江入博羅歸善兩縣交界境又西南行百八十里入東莞歸善兩縣交界境又西行百二十里北匯龍江水入東莞增城兩縣交界境又西行七十里北匯於增江又西行百里入番禺東莞兩縣交界境又西行十里分南北二支北支西行二十五里匯省河入海南支西南行十五里匯省河入海共計水程一千二百一十里過九縣匯五大水此東江之總考也

### 省河珠江

省河珠江發源於花縣城東北盤古洞爲黃洞水東南折西南行八十里過花縣城東又南行十里東有兩小水合注之爲



蘇洞水又西南行七十里北有受三小水之牛牯屯水注之  
又西行二十里北有四小水合流注之又南行五里入南海  
縣境西有小水注之又南行五里西有通北江三水縣大燕  
水三丫水蘆包水之水口又南行十里東西各有小水注之  
又東南行三十里西有通北江馬逕水之兩水口東有兩小  
水注之又由從化縣北境玉溪發源中受二十三小水過  
從化縣城入番禺縣境自東北來行四百三十里之一大水  
注之又南行四十里東西各有通流之四小水分注之又東  
南行五里西有通北江之花埭口東有小水口注之又東行  
五里分東南二口東口東行三十里北有三小水分兩口注  
之南有鰲洲鴨墩兩水口又東行四十里北有三小水注之  
至烏涌與南口滙南口東南行十里東有通鰲洲鴨墩之水

口西有通北江之水口又東迤北行六十里北有二水口南  
有二水口至烏涌與北口滙又東南行十里入東莞縣境東  
會東江之兩口西有菱塘水口又東南行七十里至大虎西  
有通北江各沙田之三水口又有由小虎出蕉門之水口東  
有通東江九江曲海分流諸小河及通東莞之六水口又東  
南行二十里出虎門入海此省河之源流也

海道

沿虎門口東岸屬東莞縣境東行五里北有通東江由曲海九  
江諸水分流合流之合連海口又東行一十里北有通合連  
海之水口又東南行四十里入新安縣境西有自九江發源  
通東江並滙諸小水之永平河口自東北來注之又南行四  
十里東有通流之小水注之文南行五十里西有自新安縣



城東兩小水合注之海口又東行七十里出急水門又東行九十里過香港出鯉魚門出佛堂門又東北行三十里出大欽門又東北行九十里至沱瀆又北行九十里過三管筆至歸善縣南境北有霞浦港注之又東行五十里北有稔山海口東有小水口折南行二十里東有小水口又南行轉東五十里北有鹹苔港又東行五里過聖菩嶼北有葵阮港又東南行三十里西有通流之鹽田港又南行折東轉北三十里過蓮花嶼大星湊赤洲孖洲馬蛟洲青洲東有通流之鹽田港又東北行七十里過東西二虎至海豐縣境北有小漠港注之又東行折北西有鮪門港又東行三十里北有自海豐縣東北境發源之黃姜水西南行九十里北受小水又南行五十里西有自海豐縣城東北來過縣城東之長沙港注之

又環包鹿境山西南行七十里北受兩小水合注之又西南行十里西受小水又西南行五里入海又西南折東南行五十里西有扁涌湖口又東南行九十里至遮浪法又折北過虎頭嶼金嶼行六十里至陸豐縣境北有熱水受兩小水又滙通烏墩之各支河由大德港入海又西行二十里北有自陸豐縣北發源之正港南行三十里西受小水又南行十里東受兩小水合注之又曲折南行二十五里東受小水又曲折東南行三十里東受小水又西南行二十里西受吉石溪水又西南行十里西受小水又曲折南行二十里西受小水又南行三十里分三支西二支過陸豐縣城西滙大德港入海東一支過城東爲烏墩港入海又東南行三十五里北有西林水入海又南行折北八十里過東桔北有大林頭市口



又東行五十里北有草洋水西匯鷓鴣阮水東匯銀溪水又東西各匯兩小水由甲子港入海又東北行五十里入惠來縣境入東北行三十里至神泉港有自惠來縣西北境南陽山發源東南行八十里東西各受兩小水又東南行三十里東西各受兩小水又南折東行七十里北受林招溪水又東行行二十八里神泉港又有惠來縣西泥角嶺發源之祿昌溪水南行六十里分三支北一支東南行二十里至惠來縣城南匯東來之水合入神泉港南一支東南行三十里入神泉港又有惠來縣東之東福溪水西南行二十里分東西二支東爲光華溪西爲石馬溪均東南行四十里復合而西行十里入神泉港又東行六十里北有蠓口港又東行二十里過石碑澳折北行二十里北有獅石港由靖海港入海又北行

五十里至潮陽縣境又東北行六十里至海門口東有自陸豐縣東北境上沙村發東西二源各行五里通流仍分東西二支均南行三十里復合爲上沙墟水東北行三十里入潮陽縣境北有通普甯之南溪水注之又東南行五十里折東北行五十里又折東南行二十里北有白阮湖水分兩口注之又東南行五十里北受三坑水又東行十里爲練江北受小水又東南折西南行仍轉東南行二十里南受小水又東行十里北受小水又東行三十里北受三小水南受兩小水又東南行六十里西入於海門口又北有通潮河口過潮陽縣城東之小河注之由海門口東南行二十里過龍潭鼻折東北行三十里至河渡門過虎仔嶼又東行三十里折北行二十里過赤礁入澄海縣境爲揭陽縣海口沿海口西岸北



行三十里又折西行三十里南有通河渡門之磊石門口又西南行二十里南有通海門口之水口又西北行一百里入揭陽縣境西有自縣城西南境明山發源之南溪水東南行五十里南有通潮陽上沙墟之水口又東行八十里北有西山水注之又東行十里北有坡頭水注之又東行十里南有自普甯縣城之南城之北兩源通流中受兩小水自西南來注之又東行十里北有通德橋水之水口又東行十里北有通東村水之水口又東行五里南有通流之小水注之北有通大行渡水之水口又東行五里南有通流之小水注之北有通揭陽縣城西玉滘溪水之水口又東行五里過揭陽縣城南爲壇口渡西有城東通流之水口又東南行二里東有小水注之西有通流之小水注之又東行五里北有小水注

之又東南行五里滙雙溪口入於海雙溪有東西兩源西源發於豐順縣西南之陽阮水東南行五十里北受小水又東南行四十里西受小水折西南行五十里西受透內水又東南行十里南有通流之德橋水口又東行十里南有通流之東村水口又東行五里南有通流之大行渡水口又東行五里南有揭陽縣城東通流之玉滘溪水口又東行五里南有小水注之北有曲溪水注之又東行五里南有小水注之北與東源滙東源發於海陽縣西南白水巖山東行四十里北有小水注之又東南行五里東有通海陽縣西溪水口又西南行五里西受小水又南行十五里東有通西溪之水口又西行二十里入揭陽縣境又西南行十里與西源滙由雙溪口入海沿雙溪口東岸東南行一百里入澄海縣境又東南



折東北行三十里中受兩小水至通潮河之東港口又南行十五里東有通流之曲港仙頭兩水口折東行三十里至潮河之新港口新港發源於福建長汀縣爲汀江南行三百里至上杭縣東受白沙溪水又東南行九十里東有永定縣來之小河注之入廣東大埔縣北境爲大河水東南行六十里南受小水又西行五里南有自大埔縣城南來過城西之小水注之又西南行五十里西有梅江注之梅江分南北二源北源發於福建武平縣爲化龍溪東南行七十里東受小水又南行四十里入廣東鎮平縣北境東南行十里東西各受小水又南行二十里西受小水又東南行五里東有兩小水合注之又西南行五里西有兩小水合注之東有自鎮平縣城東來過城南之通流小水注之又南行五里西有小水注

之東有通流之小水注之又南行二十里西有河頭水大柘水長田水同福河水自東北來分流由柚樹河合注之又南行五里東有小水注之又南行十里西有小水注之又曲折東南行八十里北有周溪水注之又東南行十五里東西各有小水注之又南行五里與南源滙南源發於永安縣東南境之公阮爲南琴江東南行二十里東受小水又南行十里西受小水又東南行十里南北各受小水又東北行六十里南受小水又東北行二十里東受小水又北行十里東有比琴江受六小水合注之又東北行二十里東受小水又東北行三十里東有兩小水合注之西有四小水合注之又東北行二十五里東有石門水受一小水合注之又東北行四十二里東有兩小水合注之又北行五里西受兩小水合注之又



東北行十五里南有兩小水分注之又東行十五里北有自  
龍川縣東南境羅口約發源西南行百二十里西受小水又  
東南行十里入長樂縣境又東南行二十里北有合水南有  
雙頭水注之又東行二十里北有董源水受四小水合注之  
又東行五里北有長樂縣城之東城之西兩小水合注之又  
南行五里東有新河水注之又東行十里南有南林溪受七  
小水合注之又東南行二十里東有練溪水注之又南行十  
五里西有小水注之又南行二里西有瓦鼓水受兩小水合  
注之又東南行五里北有兩小水合注之又東南行二十里  
入於南源又東北行十五里北有蓮塘水注之又東北行五  
里南有小水注之爲青溪河又北行十五里入興甯縣境爲  
興甯江北有自興甯縣北發源之龍歸水羅岡水匯興甯水

及右別溪水並石馬溪水合環繞興甯縣城金帶水及達安  
溪水會洋湖溪水自北來注之爲梅江又東北行六十里入  
嘉應州境又東北行五十里北有兩小水分注之南有兩小  
水合注之又東北行二十里西有小水注之又東北行二十  
五里南有兩小水分注之北有兩小水合注之又東北行十  
里西有程江水受四小水合注之又東行十里過嘉應州城  
北有小水注之又東行五里北有六小水合注之又東行十  
五里南有四小水合注之又東北行四十里南有兩小水合  
注之北與北源匯又東北行二十有五里南有三小水合注  
之又東北行十五里北有兩小水合注之又東行十里北有  
松源溪受兩小水注之又東南行六十里入大浦縣境東入  
於新港又東南行十里東有自福建平和縣城之南城之東



發源受一小水由東南來之清遠河注之又南行八十里入豐順縣境爲溜隍河又西南行六十里西有豐溪水注之豐溪自豐順縣西境發源東行八十里北受小水又東北行十里南有由豐順縣城東南過城南之小水注之又東北行五十里北有兩小水合注之又東行八十里東入於新港又南行三十里西有小水注之又南行四十里入海陽縣境西有小水注之又東南行十里西有松溪水注之又東行二十里爲韓江北有小水注之又南行三十里東有鳳水西受兩小水東匯通流之小水注之又南行十五里西有通揭陽之西溪受兩小水過潮州府城之水口東有通旂嶺港飛泉港北受通流兩小水之水口又東南行十里東有小水注之又東南行十里東有通大洲港蓬子港北港經澄海縣城東之橫

隴溪水口西有通揭陽諸小水並通東港小水之水口又南行十里入澄海縣境又南行十五里東有通南港金獅猴港並通澄海縣城小河之水口又南行二十里分東西二支西支爲東港西南行二三十里分三口入海東支爲新港東南行三十里入海由新港東北行百二十里至饒平縣黃岡溪之水西口黃岡溪發源於饒平縣東北之柏嵩村西北折南行八十里西受小水又南行三十里西有城北之小水注之又西南行十五里西有城南之小水注之又東南行五里東有小水注之又東南行五里西有小水注之又東南行五里東有小榕水西有小水注之又東南行二十里西有小水注之東有大阮水注之又東南行五十里東有容河水注之又南行五里分東西二口西爲水西口西南行十里入海東爲



水東口東南行十里入海至此海道分南北二道北道東南行八十里由三嶼過三百門逾柏洲汎出大金門與南道滙南道由侍郎洲鳳嶼經橋墩過南澳與北道滙均東北行百四十里至福建詔安縣境此由虎門東行之海道也沿虎門西岸自橫門南行二十里西有自香山縣東五小水並北通橫洲海之小水分流合注之又南行五十里過蟻洲橫洲馬尾洲燈籠洲大小黃茅燕石夾洲西有翠亨水注之又東南行十五里南有五小水分兩口合注之又東行三十里出淇澳之金星門又南行三十里至野狸洲西有四小水分兩口合注之又西南行三十里至九洲洋分南北二海道北道西南行二百五十里過澳門馬溜洲芒洲企人石磨刀門泥灣門雞啼門連灣山雞心洲草鞋洲文灣山竹篙尾虎跳門崖

門燕子排至新甯縣境出小金三角與南道滙南道南行西行二百一十里過十字門橫琴橫洲雙柱馬鬃洲三竈較杯洲鐵鑪牛角山入新甯縣境與北道滙又西行九十里至新甯縣海口海口內東有通流之橫江口西有泥涌河及牛角水兩口又西行百五十里過大娘澳黃麋門北風灣至獅子洲海口北有那扶水東滙兩小水西滙一小水注之又西行四十里北有小水注之又西行四十里入陽江廳境又西北行三十里南過葛洲山東平港釣魚臺暗沙暗礁至三丫港港內西有紫羅水及那澄水分兩口注之又西行五十里北有爛頭山水注之又西行十五里過潭德斗至漠陽江海口漠陽江分東西二港東港發源於恩平縣西南境那吉墟爲那吉水南行三十里入陽江東北境又南行五里東受那關水



又西南行十里西受河岡水又南行百里分而復合又南行六十里西受西港支流又南行五里東有小水注之又南行十五里西匯西港口入於海西港發源於陽春縣北雲浮山南行三十里西有小水注之又東南行二十里東有雲霖小水注之又東南行十里東有雲霖大水注之又南行三十里東有那烏水西有青山水注之又南行三十里東有羅鳳水注之又西南行十五里西有博學水受兩小水合注之又南行四十里東有高流水受一小水注之又西南行二十里東有北隴河受博麻水注之又南行二十里過陽春縣城東東有冠溪水注之又南行十五里東有白鳩河西有石菘水注之又東南行五十里北有輪水河注之南有雙濬水注之雙濬水發源於東安縣東南屬境參洞汎南行六十里東受小

水又南行五十里西受小水又東南行六十里南有福祿河羅水麻陳水合注之又東行十五里北有龐洞水受兩小水合注之又東行二十里北有魚田河注之又東行二十里北有小水注之又東南行二十里南有澗水河受兩小水注之又東行二十里南有兩小水合注之又東北行十五里南入於西港又東南行五里西有兩小水合注之又東南行五里東西各有小水注之又東南行十里分東南二支東支與兩小水合流之第八河匯南行五里西有通南支之水口又南行十五里西有通南支之水又東南行二十里過陽江廳城西北有自城北來之小水注之又分東西二支東支東南行十里匯東港水入於海西支與東支匯東支自分支起南行三十里東有通東支之兩口西有造性涌水注之又東南行



二十里西有石灘涌水注之東有通東支之水口又東南行十五里與西支匯又東南行十五里匯東港口入於海由港口海道又分南北二道南道南行折西百九十里過海陵頭三山汎馬尾洋銅鑼沙內洋至石門港北道西行四十里至新涌港北有那棉河水注之又西行五十里北有兩小水入海又西行十五里至豐頭港北有陂尾河東受八小水西受十一小水入於海又南行折西五十里北有溪頭港注之又西行十里北有小水注之又南行三十里至石門港與北道匯又西行十五里至雙魚港北有兩小水合注之又西行二十里北有二小水注之又西行五十里過礁石至電白縣境東有儒垌河東受四小水西受三小水合注之西有爵山海口小水注之又西南行折北百二十里過雉矢石至電白縣

城海口東有三水口海道又分南北二道北道西南行二百二十里北有十一水口至吳川縣限門港南道過大小放雞牛母石三暗礁一暗沙均西南行二百里至吳川縣限門港限門港分東西二源東源發於信宜縣西北之東川河曲折南行三十里西受小水又南行十五里東受小水又西南行十里北受小水又南行二十里西受小水又南行五里東受六觀江小水又南行十里東受小水又西南行四十里過信宜縣城東境西有西川水東受三小水西受四小水合注之又南行五里爲簞江入茂名縣境西有兩小水合注之又南行十里西有小水注之又東南行二十里東有雙柘水受一小水合注之又西南行七十里西有朗韶水匯鶴垌水並受三小水合注之又西南行五十里至茂名縣城西境東西各



廣東列古通要 卷五  
有小水注之又西南行五十里入化州境爲浮山水又西南行三十里北有小水注之又西南行十五里與西源匯西源爲合江水發源於廣西北流縣東南境東南行二十里入廣東化州東北境東受小水又西南行五里東受小水又西南行十五里西受小水又西南行十里西有兩小水合注之又東南行二十里西受小水又西南行十五里西有兩小水合注之又南行二十里西有羅水注之羅水發源於廣西陸川縣東南境南行四十里入廣東化州境東南行二十里東有五小水合注之西有馬懸水注之又南行十五里南有兩小水合注之又東行六十里入於合江又東南行二十五里東有小水注之又南行三十里西有石西江注之又南行五里西有小水注之又南行五里東有小水注之又南行五里西

有兩小水合注之又東南行二十五里西有三小水合注之又東南行十五里過化州城北與浮山水之東源匯合而曲折南行二十里西有小水注之又曲折南行十五里西有小水注之又東南行北有瓦窰山水受黃嶺汎水並兩小水合注之又東南行五里東有自電白縣北發源之鑑江水受十小水西南行三百二十里注之又南行二十里西有通流之禾棉水注之又西南行二十里東有通流之兩水口又西行十里北有通木棉江之水口並兩小水注之又南行二十里西有小水注之又東南行三十里東有兩水口西有小水注之爲限門港合而入於海由限門港海道復分南北二道南道南西行二百四十里過鹿尾沙磨刀沙礮洲西北境至海康縣之雙溪港北道南西行六十里過廣洲灣入遂溪縣境



又西行四十里南過東頭山北有石門港東受五小水西受  
三小水合注之又西南行五十里西有月城水受北京灘水  
並武樂水合注之又西南行六十里東有麻參港狗尾草港  
麻丹港西山港注之西有乾零水又一小水注之入海康縣  
又南行五十里至雙溪港與南道匯又南行四十里東過北  
荊埠西過淡水港又南行五十里東過新芋埠入徐聞縣境  
又南行十五里西有班鳩港注之又南行十里西有北門港  
注之又南行折西百五十里過錦囊港麻羅門山狗吼南昭  
灣博餘灣博平灣清灣灣白沙港紅坎灣南過瓊州海口北  
有龍潭溪注於海又西行二十里北有葫蘆溪匯大水溪注  
於海又西行四十里過踏磊港齋崙港西卯港北有古源水  
注之又西行折北百二十里過那黃港三墩港關落尾海珠

港討網港包西港東場港東有靈壺水注之又北行六十里  
過白盤港石馬港八登港青桐港東有流沙港受濂濱水遇  
賢水注於海入海康縣境又北行百五十里過海康港入遂  
溪縣境東有小水注之又北行二十五里東有調建港注之  
又北行二十里東有博里港注之又北行二十五里東有調  
神港注之又北行二十里東有官場港注之又東北行二十  
里東有牛鼻水受兩小水注之又北東行十五里南有小水  
注之又東行十五里南有兩小水合注之又北行十五里東  
有兩小水合注之又北行三十里入石城縣境鯉魚潭東有  
暗鋪港注之又北行折西十里北有賀江注之賀江發源於  
廣西陸川縣西南境爲九洲河南行八十里入廣東石城縣  
境爲石角水東南行六十里東有單竹水注之又東南行五



十里西有小水注之又東南行十里爲合江東有經石城縣南之小水注之又東南行三十里西有賀江水注之又東南行六十里入於海又西行十里北有零綵港注之又西行十里北有官寨港注之又西行十里過雷公沙北有小水注之又西行十里過高沙斜陽嶺北有小水注之又西行十里北有英羅港受小水注之入合浦縣境又西行四十里過望斷池仙姑沙瀾洲墩折北東行十里北有榕根港注之又西行四十五里北有川江港注之又西行二十里北有珠場港注之又西行三十里過平地池北有白龍港注之又西行二十五里北有武都港注之又西行百里過湯瀦沙青嬰池楊梅池白虎沙響沙珠母池折北行十里轉東行四十里北有三汊港注之三汊港分東西二源東源發於廣西鬱林州北旬

漏山西南行百二十里東受小水又南行三十里東受小水又南行二十里東有自廣西興業縣來之下烏江注之又西南行八十里爲南流江入廣東合浦縣東北境北有小江水注之爲西門江又西行八十里北有張黃江注之又西南行六十里爲羅成江與西源匯西源發於合浦縣東北境之三合墟西南行五十里入靈山縣境爲武利江又西南行三十里西有山心江注之又東南行三十里入合浦縣境又南西行百六十里與東源匯合而西南行六十里北有洪源江注之復分四支又合而爲三口名三汊港注於海又西行二十里北有白沙江注之又西行二十里過玳瑁池北有烏家港注之又西行五十里入欽州境北有大觀港注之大觀港發源於靈山縣南境篆嶺江西行八十里北受鳳凰池水又西南



行四十里西受小水又南行四十里東有受小水之丹竹江注之又西南行九十里入於海又西南行十有五里過香鑪墩又西行五里過烏雷門又西北行四十里東有兩小水分兩口注之又北行五里東有豹子港注之又北行五里東有石江口注之又北行五里至欽州海口欽州海口發源於靈山縣東北境羅陽山爲六禾水西行十五里北受小水又西南行四十里過靈山縣城南境北有小水注之又西行四十里北有兩小水合注之又南西行三十里西有小水注之又西南行十里西有龍門江注之又西南行五里東有小水注之又西南行五里西有下流江注之又西南行三十里北有青龍江滙水產江注之又西南行二十里北有兩小水合注之又西行二十里北有小水注之又西南行四十里入欽州境

又西南行九十里西有小水注之又南行三十里過欽州城東西有受一小水通漁洪江之橫江水口又曲折南行四十里入於海又西行十里西有魚洪江海口魚洪江發源欽州東北境之銅魚山爲那蒙江西南行八十里西有小水注之又西南行三十里西有小水注之又南西行五十里西有大寺江注之又南西行九十里西有開元江受四小水注之又南東行五里西有埔崙江注之又東南行五里南有小水注之又東南行二十里東有通欽州海口之橫江水口又東南行三十里入於海又南西行四十里過貓尾海亞公石黃陂門龍門協牙山礮台江沙灣重三浪口北有小水注之又西北行五十里過欞埠三墩老鴉石石龜嶺漁洲坪白沙瀾至防城縣江口防城江受滑石江清水江並一小水東南行百



六十里入於海又西行九十里過西蜆沙白鱗尾至潭洪港北有河洪江受一小水注之又西行十五里過暮彩北有小水注之又西行十里過吒奇灘北有小水注之又西行十五里北有安南交界山之小水注之又西行三十里北有兩小水注之西有東興街之小水注之又南西行十里北有吒咤街小水注之水口東爲廣東境水口西爲越南境此出虎門西行之海道也

瓊州水道

瓊州海口北有北沙河發源於定安縣西境大五指山之西爲南建江西北行五里入儋州境西北行四十里分東西二支西支爲北門江西北行百二十里過儋州城北又西南行五十里南受新昌江水合而西北行爲新英港入於海東支東

北行百六十里至南定汎西分小河東北行過臨高縣城南境受迎恩水並三小水百五十里爲博鋪港入於海正河爲大江自南定汎北東行五十里入澄邁縣境又東行九十里南有小水注之又東北折東南行百里入瓊山縣境又北東行七十里入定安縣境又東行五里南有南遠溪西受三小水東受通潭覽溪水合注之又東行五里南有滴白溪水注之又東行三十里南有潭覽溪通南遠溪水合注之又東行十五里南有仙客溪受兩小水合注之又東行五里入瓊山縣境又北行九十里西有謝潭庵潭由南渭溪水注之爲南渡江又北行三十里西有南湖水合而爲北沙河入於海口由海口西行二十里過牛始礮臺牛始港口東礮臺海口港得勝礮臺西礮臺龜龜港又西南行六十里過小英港白廟



港至澄邁縣海口南有小水過澄邁縣城西境入於海又西行十里南有九曲水入於海又西行二十里南有南滾泉滙一小水入於海又西南行二百四十里過新安港石牌港博鋪港烏石港博述港新盈港大沙島安全港南有苜芽港注於海又西南行四十里過里赤港青豪墩北有頓積港入於海又西行六十里過陳礪墩港坊墩陳礪港黃沙港新坊墩禾田港莪葛港南灘港鹽了港又折南行百四十里東過獅子唇西過千涌港洋浦港東有新英港通流之海口口內南有新昌江注之又西南行二十里過田頭港南有沙溝江注之又西行三十里過大村港大員港海頭港南有安海江注之又西南行百八十里東有南崖江注於海南崖江發源於凌水縣西境爲樂安河西南行四十里入崖州境又西南折

北行百二十里入感恩縣境又北行四十里入昌化縣境又北西行五十里南有小水注之又西行百一十里過昌化縣城南分三口西行二十里入於海又南行二十五里東有通感恩水並受兩小水之北黎港注之又南行三十里東有大南港注之又南行二十里東有通北黎港並受三小水之感恩水注之又南行六十里東有南湘港注之又南行五十里東有蛋村港注之又東南行七十里過西港西大瑁洲西小瑁洲北有兩小水注於海又東行二十里北有石溪水受抱拖水注於海又東行三十里北有通甯遠水受一小水之抱漾水注於海又東行三十里北有甯遠水注於海甯遠水發源於凌水縣西境西南行二十里入崖州境又曲折西南行二百八十里北有通崖州城北之抱漾水口又西南行五十



里入於海又東行百五十里過天涯東大瑁洲東小瑁洲淡  
水灣北有白沙水注之又東行二十里至三亞港北有兩小  
水注之又東行六十里北有受多銀水三亞水之榆林港注  
於海又東行六十里過雙洲灣琅琊灣折北行四十里西有  
受椰瑤水及椰根水之赤嶺港注於海又北東行四十里北  
有受一小水之合口港注於海又東行二十五里南有雙洲  
門北有小水注之又東行十里北有新村水注於海又東行  
五里北有上竈村水注於海又東行三十里北有通大河水  
之青水塘水注於海又南行十里東有小水注於海又東行  
折北六十里至水口港北有大河水注於海大河水發源於  
陵水縣北境歌訓弓西北行十五里西受小水又東北行三  
十里北受小水爲大河水又東行二十五里南有小水注之

又東行四十里北有小水注之又南行十五里東有小水注  
之又南行五里西有小水注之又東南行二十里東有二小  
水合注之又東南行八十里北有小水注之又東南行二十  
里西有陵水縣城之北城之南兩小水兼通青水塘水之水  
口合注之又東南行三十里入於海又北行三十里西有港  
陂港注於海又北行五里西有大霖水注於海又東北行十  
里西有巡司港注於海又東北行五里西有南洞澗注於海  
又北行五里西有田頭港注於海又東北行五里西有楊梅  
港注於海又北東行七十里過新潭港又東行十里北有烏  
場港受通流之小水注於海西有小河合通流之小水注於  
海又東北行十五里西有通流小河並受一通流小河過萬  
州城北注於海又東北行十里西有通流小河並受通港北




港水注於海又東行五里西有通和樂港之港北港水注於海又北行三十里西有通龍滾河及嘉濂河之小河注於海又東北行六十里過烏石至聖公石西有博鰲港口博鰲港發源於定安縣大五指山東喃嶗崗之萬全河有三源皆東行五里合而東北行百二十里北有小水注之又東北行六十里北有小水注之又東北行四十里西有小水注之爲合口河又東南行三十里東有小水注之又東南折北行四十里東有泉水注之又北行十五里北有流古溪注之又東南行四十里北有自會同縣北來過城西之黎湓溪水滙禮曹溪水又受龍角溪水爲五灣水注之又東南行十五里南有小水注之又東行二里分南北二支北支過樂會縣城北南支過城南均至城西合而東行二十五里北受小水又東南

行五里北受小水南有通龍滾河水及九曲河水合注之水口又東行十五里入於海又東北行四十里過赤石西有小水注於海又東北行十里西有温洋溪分兩口注於海又北行五里西有合水溪注於海又北行十里西有草塘港分兩口注於海又北行十五里西有大橋溪分兩口注於海又東北行四十里過馮家港至長岐港西有鴛鴦腰水滙白延溪水並一小水注於海又東北行四十里西有清瀾港注於海港源發於文昌縣西白玉嶺東行十五里北受小水又東行五十里北有過文昌縣城南之小水注之又東行二里北有白石溪水注之又東南行五里南有白芒溪水注之又東行二十里北有平昌溪受黑白溪及水仔溝並兩小水注之又東南行十五里北有小水注之又東南行二十里注於海又



東行十五里北有大人溝水注於海又東北行十五里過南山港西有洪水港注於海又西北行七十里過博水港淡水港西有吉水溪注於海又北西行二百里過新洋港東坡港加定角抱虎灣雞毛灣港下灣港五龍港烏石仔港潮灘雞母堀急水門木欄港至北洋港南有三江水匯排港溪下園溪東園溪並兩小水注於海又西行五里南有兩小水合注於海又西行六十里過大村港口白沙墩與瓊州海口匯此瓊州之海道水道也







共

六